

四雷南文
下冊



沈節婦傳

沈靜陶之母沈中令之祖母也皆邑中廉友

節婦字氏，劔巖沈君婦也。父為庠士，二癸公十九歸沈。

君、故攻苦舉子業，鳴機緝苧佐之。而試輒躓，則節婦

輒引命譬解，君竟以鬱、感憤中寒卒。時節婦纒二十

有八耳。晝夜踰擗，欲呼與俱去，而自勵自勉，方駭歸，索

哺乳，舅後溪公復抱陞疾，卷李床箒間。後溪公以素封

起家，靡耗無用度，雖中圯猶好客，長飲姑止。節婦蚤完

家鑰，率陰質，荆縞治脩灑，公不察也。而至是靡破釜短

箸遺矣。公始歎且泣，謂吾惟是御冬之無畜，以累若。



即死。無可報者。而又以呱呱兩孺子。悞若乎。兩孺子。氏子也。貧老人一日在。一日無煩。孝婦憂。因台二。奏公。評。屬耳語。而節婦覺。兩翁意。率自勵。兄弟毀容。而前。仆地。慟曰。翁言何諄甚。兩孺子為沈氏也。子妾又何人。妾無夫兒。無母耶。作鬼亦沈鬼身。兩翁知不可奪。取之。大慟而已。踰年後。溪公亦卒。棺衾粗如禮。悉節婦十指。出也。庚癸之計。益困頓。不可支。私自咽糠。乾設薄糜。啖兩孤。日尚不能二盂。姻戚過者。分携其孤。收卹焉。而節婦塊處其先之一廬。塞戶紡紉。不知牖外有白日也。蓋

吞淚以糊其口者。垂二十年。而兩孤始克食力。借舌佃之餘。致少甘鮮。跪進母餐。然俱未有室家。歲時伏臘。終得歸省闔聚。迨自勵。贅於龔。迎母受子。婦之養。謝弗許。自勵懼。然念吾令。所以寄人廬下。祇存延母一綫之術。而令焚尸。糞猶突烟時冷乎。亟共弟僦居。接楹。妹舍方解。有母子之歡。而節婦稍一眉展。然語及後溪。劍巖。即世狀。掩袂失聲。未嘗畢數語。美自勵。益用刮腸吞膽。願得償其先人之責。老學未幾。而業成。尋隸諸生間。陳母苦節。上之直指使者。首表其廬。吾邑於節之一字。

無行而彊有力者。輒濫干旌典。節婦以寡守貞。且六
六年成。其子始從夫地下。皆及格。故得稱節婦云。節婦
既課其子於成。而見士風囂詒。誠以目勿睨。口勿游。趾
勿翔。平生非拜。屐履跡不越閭。當自勵迎養時。蹴而避
曰。吾儒門女。又孀也。奈何。以顏面輕落人間。蓋身教之
矣。

贊曰。夸家世者。即纍纍出巨公。出文士。不若出一節孝。
非以至性如孤松之陟。拔雖在峭壑陰厓。龍鬣蔚鬱中
求。其飽風霜而老歲。年換漢千尋者。亦歷落希覩。或沈
之先有性本公。以剗肝療母疾。邑乘稱孝子。而其後程
孺人貞操皎於冰玉。節婦又大段幽靜。類書生溪刻自
好者。其長君日夜哀其母之遺軀。將以耀諸彤史。而并
及祖烈。孝思不遺。有以也。豈所謂千齡之松下。有茯苓
芝菌者耶。

顧長君傳

長君諱時泰字伯昌。若虛別號云。顧之先為湖上虞人。徙常熟。自細二公始。數傳為封繕部。即東江公。湘東江公。生庠。生二江公。玉樓。二江公。生養虛。公禹光。是生君。為人項折齒豁。側弁曳履。與之譚。詆諆罵詈。衝口雜出。人亦不憾。知其腸無他也。少好弄。不屑經生言。養虛公負識鑒。曰。是兒保家翁也。會里中有大徭。命君往。姑試之。而君夙褊裝。水飛陸輓。極冰膠塵雜之苦。卒輸縣官稅以歸。公自是色喜矣。無何。公抱疴。放脚席丘。武林日。

君為追權杖屨也者。而視湯藥惟謹。公卒。所為經紀。其
葬者備至。時母歸。令人筦家政。性嚴冷。難當意。而仲方
下帷。不任受戶外事。君悉挺身肩之。如養虛公時。居故
饒。水木亭榭之勝。君間以已意。易一椽。增一廡。皆有別
思。室中酒白茶鑪。不移而具。客至。揖未畢。便捉裾與飲。
必窮日落月。令酣適。盡本量而止。市中每得一鮮。君
必先擊之以餉客。稱旨。爭下筋。則君更捧腹喜。致可
觀也。然君亦坐是侈。為長者游。不問垂索矣。而又好行
其德。如殯其婦翁家。室其姨之子女。親知來。緩急者。各

滿志去。往。貸子錢。家佐之。迨其子並其仲先後隸諸
生。君始得謝家。昔。割城東之廬。償焉。歸休乎蓮沚。闢地
蔣花。動以千畝。每清晨。病痿林下。手自澆。敬。居然園丁
也。暇則抱諸孫膝前。類犖蹄蹕笑。共作兒嬉。間繙稗史。方
書。得一二譚柄。逢人傾倒。為樂。蓋君自謂禽鹿之性。習
成懶頑。以此為菟裘。若焉。而二豎尋困。竟中道。夫年四
十有九。子姓婚娶。詳歸。令人狀中。
贊曰。人言頹長。君癡。豈癡絕。故虎頭家風耶。余習君杯
酒間。君不癡。君正自熱腸。嗚呼。代父于役。寬弟于讀。

友于阨。恤姻于孤。而身屬子錢家。至割廬償也。豈者
為笑。人言癡。真癡。余欲得癡如顧長君。而與之逍遙課
花。今遂無此人。悲夫。

瞿母傳

瞿母張氏。冲台瞿君母也。父為古心翁。豪宕好客。冲
台之大父。夢匏翁。以其子雙湖從張翁。教目雙湖。間酒
。惟請於夢匏翁。願以女。翁固讓。張翁曰。而子丈夫子
也。而吾女亦非婦人也。歸焉。夢匏故壬辰進士。武選若
匏公子。娶南陽司理盧公女。而友是家。地美。其伯子箸
且析餘二。駙貽雙湖。耳母初歸。猶簪環。紕穀甚都。入門
三日。突布裙。操作而前。佐盧母。饌田數十人。餐應手立
辦。夢匏翁喜曰。吾嚮者不敢諾。張翁謂富家女。下吾

室易驕穉也。若此吾何憂而久之母漸鬻所為衣佩
田數畝併力課畊翁性嚴疑其有異畜籍其田叱子婦
亟外徙買哭於途若亡子之弱喪而盧母亦憚翁不
敢收私相抱訣絕也提糗糒一斗望故廬炊烟旦暮腸
九裂鄰媪哀而進之食母仆地謝曰媪意良厚願吾有
兩口亦有六尺不能自生活而受人憐乎與雙湖啗誓
曰今而往一壺一粥所不自妾指出者寧寸斬壑中君
負長須麋而不勞苦心計作鄉里少游以忘有今日者
勿見妾於壑也母自是夏則泝泝統冬則機杼手龜坼鬢

蓬蹀而雙湖為父懿公器之子姪中陰厚數金挾質賈
四方息稍贏母亦發筭陳其輕柔大帛若而疋盡以
買原田蓋自是復有田且加拓矣夢鮑公晚乃噴一賢
婦嘆幾而失之不及張翁之善相人也色喜如初養葬
悉如禮而盧母致甘饍十五年不以煩諸昆成雙湖孝
思者母力云里有大訟株連瞿氏幾徧而獨不在雙湖
雙湖竊自幸母色然曰失火之魚爛則殃止此乃鉤也
君胡吞焉已果舉族而疑君母教以君第出與豪為難
心即白美當事果廉豪奸得白見事沉決多此類絕也

血二十年臨歿。簞無贖銀。附棺之具。猶出札之餘。其子以謙吉。絕不以不得志為念。又類恬淡有道者。雪公曰。吾讀冲台君狀。其母而轉哭吾母也。其言曰。世有魚肉我者。父方盛氣以待。母必和顏。開導事往。得已。僮奴有過端。亦悉力掩護。不令父知。以謂以大濟火。可勝撲乎。嗚呼。此為吾母言也。先子性卞急。雖不知於雙湖翁何如。願常有所感憤。談輒皆裂。御下不少假。并繩。吾母冰釋而容覆之者。實多。其言曰。母作苦不少休。跪而請令歸代。母曰。我家督也。家督而媮。誰不媮。間有

肥鮮。必身賓師。供夫子。及子若孫。寧徧及僮奴。而未嘗一見其入唇。嗚呼。此又為吾母言也。吾母雖一絲之紉。一鮮之擊。必手自致。而終身不輕御一襲。嘗一纒。豈勞母固。有命同性。亦同者歟。冲台君受業先子。其學殖行坊。最為先子所知。先子臨歿。囑吾兄弟曰。如冲台者可宗也。一日。吾母聞戶屢為冲台。亟命吾兄弟倒屣迎。奏所為。父得其稱善。母始怡。嗚呼。冲台君自以高才。未獲微榮進。為母歡。居常恨。亦知有微笑。而不獲祿養。恨倍之。若吾之不孝於吾母者乎。君既連不得志於場。

抱遺經盡付其子。而身齊老農。闢耕壟上。生平無一
緇。噫。故足對而母矣。

瞿公冲台傳

吾先子以人師經師名於邑中。一時譽髦大半出自先
子之門牆。而其文章根抵。經術行事。必依名節者。冲台
瞿君實推高第弟子。與君譚。然子無言不說。目擊道存。
病革。囑余兄弟曰。汝輩但師事冲台。猶尔翁一日在也。
嗚呼。先子疇然絕俗。欲得其一言之月旦。殊不輕許可。
而終身重君若是。可以知君之有人也已。君諱斗揚。
字道樞。五世祖有若。匏公。知江西撫州郡。曾祖朝錫。公。
祖夢匏。公。生三子。仲有。雙湖公。配張氏。得君也。晚爰。

持倍常見會里有神社携君往觀忽失君所在舉家
遇時有不利孺子者必落讎手矣歸而跡之則方整襟
開卷自若怪問兒不念兩老人耶幾傷老人心君從容
應曰兒自以幼、遂狂稚遊不如靜對聖賢書耳公益
悚然異焉九歲善屬文長而精研名理悉據心得法脉
矩矱森然正始之遺印之先子真累黍弗失也遇試橐
筆就戰絕不識此中捷徑有贅文一種而試輒高等此
六應制科雙湖公抗慨負氣夙遺宗黨之難異得君旦
暮即成名用釋龍馭蓋賜皆皆熟而君亦雅自負以為
必得一當矣雖屢躓不售士論咸稱屈則時、從先子
各陳青衫顛顛狀相視太息余童時侍而聞之因早知
名場之困至今愴然聲如昨也君既以硯田逢年者若
河清之難俟中道耻隸于博士嘆曰不有先人體粥田
在乎是蘆是蓑猶可以食力而飽而厥壤多汗邪歲苦
竄君獨築堰高其塍躬督畚鍤暑雨不言疲行田之暇
還讀我書則皆竺乾柱下言取以觀心掛念而已向所
鑽故紙並付兒曹弗問矣迨歲計所入里中之為上農
者莫出君右亟輸公賦之外量入經費吉凶問餽之禮

綽乎有贏。窺君之意。亦洒乎有以自適也。嗚呼。孰謂中
之茂材。績學不以施之當世。而僅試諸十拙之間耶。君
生平砥礪大端。動以古人自繩。王母盧孺人歿。君甫孺
子耳。即正告雙湖公曰。伯若叔皆貧窶。大人幸稍給。請
勿以喪葬累之。公唯而如其言。其後伯若泯沒。春秋一
體祭祀。卒亦不以墓糧累其子姓。雙湖公暮年喪孺人。
而不能一日缺箕帚之奉。君善承其志。連營母窶。安力
不能繼。則蓮峰歸公。感君至性。預設館。精佐之。緩急已
而舉仲。雙湖自念不及見其成立。願力重君手足。夏而

君當析券時。田稍膏腴者。悉推讓仲。公始含笑而瞑。比
仲長。教之若嚴師。君在鄉一鄉。雖杜門簡出。不喜涉人
事。遇人無大小。抑、循、墻。而仰之人皆望君典刑。有過
惟恐君知。有大義就君裁。乃當群從中。則星卿公姻堂
中。則濬源公。獨與之同臭味。余常對君。退即內訟。尚覺
為率尔人勉。而似先子之萬一者。終不及君之全。似乎
師矣。君享年六十有三。子二。儼。侗。皆讀書。知自好。有萬
石君司馬溫公之家法焉。
贊曰。作人如冲台君。真可謂金玉其行。訖言動。莊取予

介。律已如師律。訓人子弟如已子弟。以稱一鄉之善。十
猶缺焉。而里有舉君。應有司辟典。若畏壘之尸。祝庚桑
楚者。君蹴然謝不敏。寫書于其主者曰。鄉約自是美事。
獨諸君以善人名色。及不肖。何令人逼仄。一至此也。語
曰。魚相忘乎江湖。人相忘乎道術。昔有驛人。蚩然適
也。忽旁人醒之曰。尔鬚若此。夜置之何所。其人嘿。體
認。被上被下。俱不自適。幾至不成寐。不肖一生。不知作
善。并不知作惡。亦蚩然適也。倘忽呼之曰。汝為善人。
從此以往。便增許多防簡。謂已善。恐認賊作子。謂已非
善。恐騎驢覓驢。正使不肖。踟天踏地。我無以自容。噫。讀
其詞。不獨想見君之為人。抑藹如有德者之言。非耶。
瞿隣鳧曰。此乙亥春先生出山時筆也。臨行撥冗而
應其古誼。何如哉。

黃母謝太君傳

龍溪有博雅君子類宗之陳北溪先生者曰黃季翼而起自藐孤則厥有賢母曰謝太君太君諱玉資父潛任有隱德足跡幾徧九州與孝翼之父伯績其先閭曰井壑同席也伯績幼沉穎見而奇之賀得快婚太君歸而伯績正卒業山中好從賢豪間商抗今古戶內弗問矣羨矐滄瀨太君則工以羞舅姑下以餉嘉賓母少遺甲子伯績舉孝廉益折節脩長者之行屏駟蓋謝一切筐篚了不異寒儉生而太君亦簪蒿曳縞佐之念食指斷

駭。搢作帝。晉。庚。更。倍。曩。時。亡。何。伯。績。竟。下。世。蓋。十。有。一。年。
中。所。為。燕。譽。之。好。度。吻。之。喜。闔。閭。一。現。者。不。及。瞬。而。其。
餘。歲。月。皆。集。於。夢。通。身。是。苦。矣。時。孝。翼。已。九。齡。兩。尊。人。
方。春。秋。高。而。蜚。語。刺。之。願。謂。謝。翁。或。不。諒。女。只。太。君。撫。
孝。翼。及。一。女。椎。心。舞。曰。誰。為。此。言。微。孺。子。之。故。吾。何。以。
生。存。而。不。以。殉。吾。夫。子。不。以。白。吾。翁。已。而。諛。者。三。至。又。
謂。謝。太。守。故。所。許。女。者。今。視。孺。子。貧。意。且。中。喪。太。君。
又。難。欲。絕。尋。解。曰。太。守。固。丈。夫。也。言。出。丈。夫。之。口。而。食。
於。婦。人。之。手。乎。即。何。以。辭。於。人。言。太。守。定。不。爾。趣。委。禽。
焉。迨。季。翼。稍。長。挑。達。兒。嬉。間。從。婦。翁。家。微。絲。選。肉。流。連。
杯。勺。太。君。為。危。涕。痛。讓。不。減。嚴。君。孝。翼。遂。感。奮。悉。發。父。
書。讀。之。於。時。驚。才。逸。落。咸。謂。江。夏。之。童。復。出。也。而。其。志。
以。殊。薄。蟲。技。文。字。輒。窮。蝌。蚪。以。前。詩。亦。發。源。於。刪。後。緇。
帙。既。盈。金。燕。琳。琅。動。珎。於。世。之。韻。士。巨。公。往。之。析。疑。
問。奇。屢。錯。兩。限。太。君。始。一。破。顏。曰。今。者。可。見。而。父。黃。壚。
笑。兒。能。五。車。書。不。富。五。鼎。食。耶。於是。孝。翼。復。請。之。母。願。
少。遠。膝。下。青。鞋。黃。帽。看。汗。漫。游。以。繼。其。外。家。風。而。太。君。
許。之。會。邑。大。潦。亟。奉。姑。棲。居。獲。免。萍。梗。姑。止。含。葬。如。喪。

勇禮課兩孫慈而加敏如課孝翼時季翼渡江浮海用
燕趙循陔陟此之慕雖時形篇什而卒無內顧兒女
憂太君能化細實左右之也

贊曰伯績之舉於鄉也太君夢玉京門大開驛驛見所
者五城十二樓者俄有金支霓旌繞其家而掣去竟兆
脩文已孝翼個儻負奇概思從業告之並得漸之九三
太君曰而父行且于達尚鍛其羽今於陸蓋桑亭翁之
派也遂縱其肆志古文詞不復問達哉使季翼而稍俛
首帖括詭而達時青氈亦舊物也即再徵之年運過其
父如世所誇金章白首者百年同盡依然玉京一夢耳
而有如五史無聞姓名終記以木石之心畏青紫之軀
孰與夫布袍芒屨而桑蓬四方竹素千秋者之自顯庸
乎今伯績學行已載郡乘傳而表之者皆當代聞人竊
謂彤管左方亦可闕太君幽徽儼古截髦剡薦予其
子以令名者哉

談隱君傳

攜李有繼巖談君者。名時雍。其先皆名醫。氏二十有一世。君少攻舉子言。十二。即試有司。稱夙慧。而是時江陵功令巖高。材多曝腮。不得上。君淹挫至穎。禿而鬚且卷。慙笑。遂慨然曰。雕蟲固童技。羞為也。吾別有青箱在。請以三指易三寸管。反掌間耳。於是童子之情性起。居有保姆。不識其何嗜。何痛者。君眉表即能揣。而得之。煦々若與語。皆孩笑。躍入懷。雖大創。聞君來。立為之止。蹄。投一匕後。無不健。若虎子矣。環禾中。苔工。及吾蘇。淞之。鄉。

苟家有嬰兒。莫不頂禮。君呼為衆父。輕舸四達。藥籠中
一空。而城之父老待命。其子弟者已。額君亟歸。即摩
肩問所苦。戶限有裂。君唯々。繞城踵其門視之。常恐饑
朝出。不輕滯人家一餐。恐誤他所。又炎熇霜霰。只徒步
不肯命巾車。恐難為從者之邀。凡兩臺以下。郡縣之長。
多降階而迎。君執庶人禮。惟謹。未嘗出而語人。謂其公
實賓我人。以是愈益重之。褒勞有加。縉紳巨室。伏臘為
君壽。承筵稍腆。掩面至發。亦辭再三。弗獲。乃稍受。一二
非者。惟妾人搯豚蹄。或擷溪毛以獻。輒無不受。人訝君
有餘者。之弗望報。而望妾耶。君曰。彼亦有類。此區々者
積悃也。而又麾之。必內恧笑。後有疴瘡。不我告矣。蓋君
之及幼。以惠以和。而居身以下。以介如此。雖行道之人。
與言長者。必云。談君真長者也。鄉飲酒禮故事。亦草々
應。而余至。慎簡者。宿以屬君。第如鄰曲相招者。然曰。
存謝魏公老人。適是日。冗勿強笑。竟不果出。已而詣余。
曰。明公以爾尊饗我。何若以片字錫我。余欣然為作談
隱君傳。

雪公曰。人言君善字嬰兒。故爭延致。名以大顯。然君於

素問諸書。實無所不通曉。蓋大方家也。君之光雖二十
有一傳乎。皆用嬰兒科起家。終而廣其術。以自君始。意
固謂此亦童技耳。非獨舉子業也。故不屑沾一家。然
而卒不以試人。亦遂無有知而求之者。所謂且與之者。
嬰兒也。噫。然則君之隱德。不以告人。而人不知者。益多
矣。

明福建泉州府同知純所張公傳

公諱仲孝。字百原。別號純所。大父秋逸。公布衣好結客。
吾郡如文徵仲。祝希哲。唐子畏。輩往來虞山。率以公為
平原公。為杏臺。公經明行脩。先輩中之長者。余兒時見
其數過從余家。短小不踰中人。儼然山澤之癯。亦好客。
必佳。必流連竟日。公之生也。及侍秋逸公。秋逸公
絕愛其穎敏。榜飽飯弄孫。消白日。煮茶留客。看青山之
句。以志喜。十五。即工舉子業。陳莊請公具法眼。亟賞公
有國器。爾時諸生家。頭烘曲臺。禮公獨一習。輒精衣鉢。

多所流傳。以丙子舉于鄉。願公車凡六上。意且倦棄。與賓朋尋里中懽。蓋每至公家。則座工龐眉之叟。利齒之兒。無不集尊前。海錯之異。野菽之碎。時鮮之洗腴。無不供。天地間農圃家常之話。山川流覽之述。人物月旦之評。以至荒唐說鬼之譚。無不聞。得秋逸公之遺意而豪過之矣。或勸公即不屑仕進。獨不為杏臺公沾一命乎。公始勉就選。又得浙之泰順。彈丸百里。僻萬山中。輜軒罕經。而時正開採。四出虎兇之中。使稍不當意。緹騎立至。小民驚傳入境。盡室而逃。公屬其耆老。諭以有令在。無畏。盍歸乎來。而躬自迎勞。中使盛具供帳。大聲言此中無鑿。即試採。得不償費。竟舍而他之。境內獨得不被騷。直指特材公。調繁黃巖。邑最苦坊里。申一役。里有貧富。後無減增。公至。為酌其里遠之近。遠戶口之上。下。以不均。之。于是大稱便。其他蠲常例。以溢版冊之稅。捐清俸。以興文廟之工。步禱以致神龍之擾。閉閣以正青衿之譚。善政未易縷數。初公浮甚。酒人談士間也。人謂夷甫之少宦情。并夜之多懶癖。公居各半。不必且嫻於吏事。而所至。願恢乎游。机警豁達。若有令譜。世

者然亦以坦中踈腸。方介自守。不徇請謁。不喜媚工宦。遂循資倅杭州。已稍晉秩。遷泉州府同知。公意殊不少之。凡攝符者一邑。篆者三大。盜大獄俱咄嗟立定。益著廉廉幹聲。而會中丞某私有所齟齬。取溫陵逋餉者前人所預借。洗帑去者責成公一手。刻期下首。牒公笑曰。難吾巧婦不能炊。亦能難老夫不拂衣耶。力請乃允。乞休。悉出三徑之資。為子若孫各營婚嫁。已則別治精舍。書畫無多。清玩種。雜蒔花藥於庭。絕口除目及世務。惟數問故所與賓朋無恙否。旬日不相見。輒憶。輒命酒高會。酒間追雁蕩西湖清源紫帽之勝。尚兩腋風舉。誇烟霞之有夙緣。而又以去閩時。為武夷逋客。不無騰笑為恨。晚年自辦生壙。環以田廬松楸。皆可把時。携尊泛艇倚嘯其側。又預勅棺具云。等木耳。杪而贖母寧散材也。而堅。即今窀穸之期。猶從公命也。公謂。葬我必以鶯花佳日。使吾故人相與送于斯。哭于斯。挽歌之不。足曼聲歌于斯。魂而有知。吾將起而相和。噫。公之風致。何如矣。公雖樂天知命。曠然仕已死生之際。如此。而生平敦孝友大節。杏臺公客多方容之。滫瀡極甘。脆之春。

覃恩身後。深悔捧檄之。不。蚤。痛。母。繆。太。安。人。蚤。即。世。母。有。姊。適。沈。而。貧。者。迎。養。終。其。身。如。事。母。仲。弟。並。產。而。產。日。削。公。治。杏。臺。公。喪。一。不。以。相。煩。且。善。視。其。子。庶。弟。無。家。子。無。祿。夫。又。善。視。其。孫。姊。適。季。而。亦。貧。歲。為。其。八。口。計。息。百。金。之。托。亦。終。其。身。婦。翁。陰。厚。長。倩。授。公。田。稍。差。而。公。亦。與。周。安。人。白。首。相。莊。無。間。言。迨。長。倩。構。訟。外。家。公。反。周。旋。其。間。而。朱。母。始。得。歸。骨。丘。壠。與。人。交。終。始。如。一。外。若。道。廣。汎。愛。衆。中。故。了。官。游。浙。閩。歲。時。問。餽。不。遺。遺。有。重。趺。而。叩。臨。叩。者。即。未。嘗。為。醜。三。尺。獨。不。惜。一。

介。常。云。居。官。之。日。短。居。鄉。之。日。長。彼。縱。妄。意。實。而。歸。吾。忍。令。虐。而。往。乎。卒。無。人。不。諒。公。德。公。云。先。贈。公。蓋。寡。交。而。與。公。同。者。諸。生。稱。同。調。莫。遂。公。之。仲。子。即。諾。以。先。姊。弟。未。及。于。歸。耳。然。則。世。好。之。知。公。者。殆。莫。余。若。也。猶。記。公。七。十。之。辰。余。適。解。褐。還。里。九。如。之。祝。滿。堂。而。公。偏。欲。得。余。言。為。謬。重。余。引。老。氏。知。足。之。是。常。足。語。羨。公。微。尚。頗。得。此。旨。非。獨。於。勢。利。泊。如。也。乃。至。適。趣。亦。然。日。談。日。飲。日。游。談。不。及。絮。塵。尾。清。詭。而。已。飲。不。及。糟。醕。短。韻。細。觥。頽。然。而。已。游。不。及。百。里。千。里。山。之。南。山。之。北。筇。且。航。

而已。蓋寫公十二年來林居况也。而要以概公之為人。作孝廉則真。孝廉作吏則真。吏作達則真。達無一不真。故無一俗亦無一缺陷。公破顏而領其言。嗚呼。孰意別來杖屨五年耳。而今者又以之傳公矣。

涵台王公傳

世間有用本才。不必盡出于科目。其以贊文學起家。能實心任事。所至輒效。如有科目之所萬不及者。彼固自有所挾。亦欲丰稜有以自見。不甘容、而已也。而近時綜核吏治。需才尤亟。願終不肯破格擢。州郡佐貳。雖當事者。常恐衡鑒未真。反啟私。人僥倖之門。而遂使賢者短綆。從學。不克竟其汲深致遠之用。如吾友王子涵台者。斯人也。斯才也。而奈何亦止于斯。王君與余同時。為諸生。先後同學之。出于科目。以明經薦者。凡七人。而

君子獨增燈。太學生余常勸之曰。以子之才。館車通
之。編者。初。一。身。何。所。及。恢。游。不。早。自。奮。安。而。徒。悠
。處。囊。進。退。無。據。何。益。王。子。躍。感。其。言。迎。謁。送。人。留
滯。國。門。者。久。之。始。得。大。同。府。都。幕。監。茶。馬。市。恩。撫。信。結
咸。有。方。當。道。心。知。其。能。令。署。篆。馬。邑。時。大。旱。徒。步。度。禱
兩。輒。應。其。疏。確。之。土。稅。無。所。出。者。該。處。以。償。額。充。而。民
不。擾。且。不。稱。便。會。草。塚。山。寇。起。倚。勢。宗。室。一。繩。之。以。法。
不。少。貸。應。時。而。散。能。自。是。稍。見。笑。遂。量。移。涿。州。同。知。
署。州。篆。又。署。良。鄉。適。計。吏。之。年。輪。蹄。絡。繹。為。周。郵。疲。郵。

加。清。冒。濫。而。脯。負。餘。辜。仍。無。乏。絕。莫。不。過。而。問。焉。若。倖
耶。戎。若。庖。者。耶。有。才。如。此。何。不。遷。為。真。武。而。未。幾。以。憂
去。州。民。涕。泣。攀。送。道。服。除。赴。補。再。經。州。治。猶。有。遮。道。而
迎。者。此。亦。前。所。罕。有。也。再。除。秦。安。州。同。知。年。則。祝。釐。之
館。煥。然。若。之。改。觀。神。器。庫。久。未。脩。舉。且。整。頓。一。新。署。州
篆。者。亦。再。偶。慮。囚。翻。閱。前。案。疑。所。抵。死。似。坐。誣。服。然。禱
於。神。夢。一。馬。兩。角。寤。而。曰。是。者。獲。馮。姓。者。茲。事。其。白。乎。
已。果。搜。凶。器。于。馮。某。家。而。罪。人。斯。得。先。是。治。馬。邑。爰。書
前。人。獄。既。具。閣。筆。沉。思。鬼。忽。作。聲。矍。然。心。動。覆。讞。之。果

冤也。蓋即平反一事，其才之明，決多此類。能聲益籍，起薦者交章，而一旦笑曰：斥鷃之飛，不至控于地，則足矣。豈誠有九萬里哉？而欲越乎榆枋之步也。遽自解組乞歸，當道留之情愈切。去州之日，雖黠如店戶，往時常有以積逋反許官長，甚至斥其行者，至是同州之感恩，父老泣送五十餘里，如涿鹿去，鬼鳥嗚呼，使王子而遂得領郡縣之大，歷諸艱之試，其尚有盤錯糾紛，肯摩之未嘗者歟？其尚有宿蠹錮疾，爬搔之未盡者歟？今之惟怯畏事，虛僞債事，固所踴為，憫然科目而擢之，為異等。王子視之，折腰之不暇者也。名實相去，何如也？余于是非但惜王子之死，而惜乎不克竟其用，實為國家之用人者惜。又非但借吾友已也。王子性至孝，求吾公敦大長者，得王子早任家督，一切世務，服其勞而應之。少恭公請清白之遺業，始不甚中落，公起居飲食，非王子在側，弗適也。少恭公之後，人有五同祖之後，亦如之事諸父，猶父友也。羣從猶同生，有大徭役，必挺身率先，常至拮据奉公財，力兩無傷，而不令父兄知，報終事而已。壘上之爭，從父兄後，閭侃侃，未嘗挫於人，而人卒莫之

憾及為求吾公卜地即得之少恭公墓次而或有難之者從容謝曰從親則爭從尊則讓寧他卜耳母啟後世以爭今從求吾公於地下者改卜新阡也與人交綢繆懇款白首無間歲時花月之辰必集二三同志繼炬投轄盡歡而止遇有貧窶及老而無依者極力解推受者屢笑施猶未倦而又慷慨大義有人解紛好赴人之急難當其公論所在一死一生之際雖事涉嫌疑水身幾冒不測詎無反顧皆人所難者噫孝矣悌矣信矣義矣於以施之有政厥有本焉謂王子能習吏事余以平生相與之素夫亦有所試矣王子諱輔臣字翼明頎然魁梧哆口善笑能高談豪飲器官之日就求吾公湖上菟裘稍加葺治自謂終焉之計余亦念歸來故舊零落有五子君可以携手徧尋盟不意州縣勞人其神情已耗于內里君之家居僅三年而卒居奄忽與復生人歡壽僅六十有三子奕昌温恭周摯業能能怡家風其精辯練達居然又一能求吾友其殆不亡也

太學完吾公傳

吾邑之世家醇謹自將克繇禮者首推山塘涇王氏蓋少參公
之後蕃衍爲五連袂一出規行矩步望之若鴈行而完吾公肩
隨諸從差短小眉宇特精悍常有斷、之色余爲諸生蚤猶與
公同逐隊故得識公之爲人焉公諱維祺字介卿別號完吾王
氏自學錄公裕起家青箱四傳爲一訥公琥再傳爲晉寧貳守
山城公魯以子笠洲公貴贈僉事笠洲即少參公公之父也母
范太宜人有子四以前母龔宜人有伯子公遂稱季年十四少

參公見背雞骨哀毀如成人終其身遇忌辰哀思慕涕泣于
頤太宜人患目躬自吮舐卧起與俱執其喪盡哀時伯仲先逝
叔又羈宦滇南公獨率其弟經紀附棺附槨迄無遺憾處昆弟
間談笑則相於急難則相呼友愛之中常存嚴憚會以丘隴故
道聚族而訟于庭公奮身直前寧碎首階下當事為之動色子
弟一舉動咸以諮公公各盡其情衷其說之是者令受命而行
曲中竅會故子弟事公皆屏息下氣此則公孝友大端也公少
負穎敏痛違庭訓盡發所遺書手披口吟為閩中肆外之學尋

有聲黌序糾邑之名流雞壇相角時志颺出其上即墓事訟
與胥史伍伯之與處退而手一編伊吾自若也屢困場屋見阿
咸輩有聯翩騰上者公始悟此道如談冲舉仙籍無名鼎將熟
有物敗之美遂罷科舉偕徐孺人稍為治生計刀貝綠穀悉有
規程敦尚素約孺人相之免勉未嘗美食鮮衣廣侈園宅曰吾
以昭先大夫之清德且不欲作法于靡也姻黨故交之宴者以
緩急告稱情而予例橐而止每歲寒預製絺袍遇膚起粟者輒
使有挾纊之温念先世戎籍多費雖有高祖竹溪公遺田未足

贍也欲增置若干私又念宗子日繁欲稍儉義莊故事以力有不逮未果行然義見乎詞矣生平織芥弗苟嘗寒月飲婦翁所遺需衣翁固素封也出百金貂裘以衣公曰郎君夜讀用是佐青氈公至席散潛解裘而還翁訝之從容曰已得酒無用此奇溫笑姊遺陳孝廉者孝廉官金沙公往省姊姊寄以一奩歸越三年封識宛然姊感其意遺重寶為公壽公笑而卻之年踰四十方舉二子遂奉竺乾教與一二緇侶習止觀結放生社暇則攜尊挈榼偕勝友登臨嘯歌又嘗汎洞庭攬七十二峰之勝過

武林徜徉湖山間挾月而返嗟乎思少壯之贈登憶中年之翫麟公將以是澡溉而灑練之耶嗚呼以公之志意才力兼人數倍假令得為世用使之區畫世務居然精能之吏又令天假之年如所謂給丁徭贍宗族一切利益事必將次第舉行年止五十四而終惜哉如公者蓋非徒騎款段馬乘下澤車鄉里稱善人者也當其勤思早計謙、其德不失為保家翁乃不畏彊禦輕利若蹤則又鬚眉昂藏之丈夫也斯可謂鄉之典刑非獨一門之阿大中郎輩宜念此宗老矣

主處靖元配何令人傳

王子傷其匹間過余輒省字慘淡忽々如不欲生百譬之而神
愈傷余意是年少柔情故恒耳王子則茹淚告曰吾非能及情
吾所憶者淑婉難再得耳吾妻生小薄命無翁媪呼十七即笄
而稱婦事吾兩尊人不啻翁媪也顏軟聲下百當意故今歿而
兩尊人慟之不啻兒下逮青衣蒼頭俱恩體恰適妯娌間落々
如也亦復于于如蓋動有士人規則為質廷甚吾讀吾妻輒紉
乃不後健婢常丙夜對案酸風透櫺手足僵痿婢都跣枕臨矣

而吾妻十指之影猶舒樓燈下焉嗟乎可悲也偶府試罷名吾
無以對兩尊人出幃頭垂々入暗々之氣噓壁而已吾妻徐勞
以好言曰君第讀妾能佐君人睫端不耐賤母自奚落致落他
睫吾自是讀益力院試果償齒終一槩而是時方誕兒々兒尋
亡則吾妻已歿矣息慙屬絲々耳入五月却縻不御知弗起索
紙手登其衫襦釵珥之屬條々籍以緘滕授吾而哀其羨緡囑
曰妾死以為檀施平居固愛念佛至是又令吾念金剛經順口
無片字訛臨歿請吾母謝曰新婦不得伸一日之養而以死累
姑如何新婦死戒家人勿啼凡棺衾取其蔽吾體而已勿奢也
因張目視吾曰君善自愛孝養兩尊人夏螢冬雪妾當以遊魂
伴君身語既吾提之樂邦作唯々狀逝如木葉脫也時年十九
蓋王子詮其事多中哽不能了云已遠巡進曰生而負吾妻惟
丐先生言差謝死者王子沉鬱人也余愁其悼而損神諾為傳
以解之

傳曰余觀夫婦而悍者嫁欲其速死也輒不死為妖為孽於而
家其庸而駭者婦死則夫衣改素耳尋已百兩御之恩變季女

矣。死而令其丈夫悲之不能已，有如令人者其賢乎。抑信賢
矣。

徐一如誌

先贈公為弟子都講，從游者不下百餘人，而獨館于李
紅。徐公授經，其子廷光先後十四年，師生相信。主賓相
得之歡，未有若是之厚且久者也。廷光諱待賓，號一如。
曾祖贈中丞思隱公，天民祖贈叅政鳳塘公，侯父上林
錄事，母紅公育德母季孺人。生而白皙，眉眼如刻畫，性
端重，寡言笑。李紅公倜儻豪華，四方之客多依之。為主
時，置酒出家，伶徵歌，達晝夜，而廷光別治書館，扁戶如
靜女。伊吾不輟，暇則擁圖書，焚香臨池，以自娛。侍公

凡筵簡嘿若別有所營者然先贈公師範方嚴廷先齒
踰壯矣猶莊事如童子時終日無情容以故學日益精
專李紅公又盛脩灑為供廣集邑中名雋及族之秀人
而與之為社命掇取其菁英文滌益蔚起隆、有聲試
輒高等人謂徐氏白眉司空之後繼武者必廷先廷先
亦芥視青紫謂必得一當謝父師之成我而中歲善病
強游太學悒、不得志李紅公壽且健家棟未嘗釋手
廷先生長膝下第知守謙寶畜絕無世祿之家所若子
弟之過稱其為好家兒耳忽李紅公捐館經紀喪葬區
畫內外雖復井、抱羸樹恤終不任勞而卒配葛孺人
以季女來歸與廷先備婉妾之好即毓自名門夫子家
更習于繁奢願不辭勞勩凡諸姑伯姊貧而無依喪所
天而無以自慰者孺人則賙卹有加過于同生自尊卑
以逮媿黨咸宜之廷先之一意下帷晚而纏綿藥裹中
卒無內顧憂者嘗賴有賢妻云此廷先早見背無祿藐
孤相繼尋即世內痛外侮有丈夫子所弗堪者而以萃
之辛勤一老婦蓋於徐氏可謂勉同心死而後已者
矣嗚呼余幼從先贈公聽講於諸弟子之坐則數、過

廷光廷光於余兼有中表之戚視余猶弟也。摩余項方
髮然卯兮。未四十年而余閱徐氏之盛衰者且四世。始
哭李紅公再哭廷光再哭廷光之子伯仲。今日之率諸
孤以慙支門戶者獨其壯子。在余又魯見其髮然卯兮
者而已。冉、踰、壯、矣、昌、黎、氏、所、僥、仰、于、馬、氏、之、一、門、者、
古今人何能無此同慨也。廷先生于嘉靖四十一年四
月十四日卒于萬曆三十四年四月十四日。其生之月
日正同呂仙。故小字曰阿呂。而死期適與之符。亦異數
云。享年僅四十有五。孺人生于嘉靖四十一年八月初
九日。卒于天啟四年九月初六日。享年六十有四。孺人
之父太學生靜字公祖汝寧守育庵公也。將以崇禎四
年十二月初五日合葬于思改御昭德里之新阡。銘曰。
譬彼茂樾。蓋如車輪。君竭其蔭。不知炎燠。一旦憔悴。葉
落枝存。霜霰既零。春陽返魂。必有條肄。綿、歸、根、覃、延
雨露。碩大而繁。豈伊世澤。新此德門。孰謂天道。昧、難
論。哲人淋媛。玉骨載溫。相依吉壤。粉楨高原。振尔半葉
券我銘言。

蕭觀頤誌

觀頤蕭公。幼之二十有六年而始葬。以龐孺人從。其孤
之。纒然哀經者。皆垂一。班白。且有可以養于國者矣。其
諸孫之。泉然而齋者。疑然皆丈夫子。且有抱孫者矣。鄉
里稱之。使人子之。葬其親而盡如斯也。死者不可含笑
入地乎。而孤等猶作孺子慕儼。在初沒。來乞銘于余。嗚
呼。銘而盡如斯也。當之者不愧。而余亦得免于諛墓之
訛矣。公諱應徵。觀頤其別號。其先自宋右十公始居常
熟。再傳而國子學錄啟隆公。徙居河陽山。遂以河陽蕭

氏著、啟隆生茂、茂先生順之、順之生定、靜公怒、手定
家譜、怒生觀、瀾公韶、梧竹公韻、梧竹公善青烏術、撫兄
之孤奎、是為靜菴公、登成化壬辰榜進士、仕至雲南僉
憲、而梧竹公之長子塾、齊河教諭、為學、庵公次子堂、為
我菴公、堂生鐸、永寧訓導、為北莊公、鐸生詔、為敬椿公、
詔生仕、贈刑部郎中、為梧山公、之父也、梧山公五男
子、長廣、憲觀、復公、而公則其季、公生五齡、會倭寇海上、
舉家星散、遺公於舟、倉皇不知所出、倭登舟、叱老蒼頭
負公、一者去、尋得之、驚喜過望、稍長、以中表從趙文毅

學、文毅器重之、命子弟更從公學、嘗讀書至雲長公名、
輒噤聲、引燭焚紙、俄見火光如斗、大盤旋室中、公拱立、
視有聲轟然而散、人以此公謂必何氏之第五、馬家之
白眉也、而一冠儒士、三試棘闈、悠、知命之年、名心泊
如、惟事課子、身為義方、亦無過昔、迨伯仲相繼、為諸生、
遂敝屣青衫去、而優游泉石、喜為吟咏、不欲以騷人名、
自娛而已、又習養生家言、取以延年却疾、亦不願與方
技之客遊也、公惟豈弟真率、與人交無煦、喻、熟德、罕
見喜愠、余少時、即以通家隣曲之誼、待公、終日所談、皆

近情語實際事。從容酬對。不覺飲人以和。間有刺人中
毒。發人陰私。公如充耳也者。退而引為家誡。勿効是輕
薄子。嗚呼。以余所睹先輩風度。如公蓋真長者。今益未
可以多得矣。而生平大節。尤在友于情篤。不惟清白自
居。而抑以成先之清白。觀復公守東昌時。遠携公往。會
有羣兇將發大難。先事計擒。上臺密授旨。欲坐以反狀。
觀復公正躊躇間。公遽曰。若爾。則激變方大。恐戮及無
辜。不若以歲差為辭。飢民洵告。即不得已。寘之法。殲
其魁止耳。觀復公欣然從之。竟如請所解散。甚眾。已而

念徐宜人亟歸侍養。邑之歲荒。實甚。公貽書東昌。勸以
所儲粟。吾家獨饒。出而賑救。亦當吾邑家獨先。所全活
又甚。衆人謂假公而事權在握。雅於公獄。鄭公圖。何所
不盡心焉。即此二事。其陰隲有過人者。而公願嘆。不
任受。遇先家舍人子。有稍挾主威。漁獵小民。則幹轄惟
謹。親黨有持暮夜金。願為公壽者。閉門埽執。隙無所得
入。不待正色拒矣。觀復公手足之愛。寔先諸弟。常欲使
門如公藝居。田如文正莊。先後割俸以遺諸弟。公所受
遺。獨秋毫弗動。城之東隅。有廣宅。堪為觀復公。容駟馬。

者出其賞酬若值以歸元而已則於北山更比別治教
椽或見公介、以尔不無清醒之忌况一切緘滕悉為
先居守走虿語莫得中之而觀復公固信公深歸自官
郎封識宛然笑而不問時、過從北山指其戶戲曰阿
咸輩俱頽而長倭而過不碍巾幘耶陰買宅山塘讓公
居焉殆以高公之義用為補報地也觀復公以東征被
逮禍且不測子可繼尚未弱冠稟之往省者莫遠為使
公方試白下疾馳歸曰急難吾分也偕可繼衝寒倍道
至則白諸當事潛納橐餽不遺餘力尋得釋還而公鬚
自是頓白觀復公將之相勞苦至流涕哽噎嶺表赴謫
之後昆弟怡、復相見於故園樂矣身歲丁未公且躋
六十更相與為樂踰年公即病痰觀復公不忍其朝夕
之離也迎之養河南宅一夕忽呼諸子昇歸舍囑勿令
伯父知比知之驚問故徐曰吾盱吾脉矣其不食新乎
此終阿兄之廬也母以我之故貽他日崇其識遠慮周
臨事無尔我而臨財有分辦又如此公既淡于分外并
不自問生產每歌古來高隱沒文錢之句寄托微尚而
一以委之室人梧山公臨場亦獨指公曰微內助賢吾

夏汝終身貧措大笑蓋謂龐孺人云孺人父少江公母
陸孺人龐蕭二姓並里中望族觀復公之配宜人即
同堂姊也孺人孝婉周摯莊事徐宜人至七十有九身
亦老姑矣而滄漣澣濯左右之不哀暨宜人物盡發所
貽橐與諸姑妯娌不私甘珥片鏤諸姑妯娌心避明德
終身無間言少江公病偃床箚甘醴不時致藥餌非躬
調不以進母卑居子欲養而力弗贍則迎而分肩之白
於我乎養於我乎殯男女嫁娶不陰不殺惟力是視式
於禮而止第以告成命於公其有亡纖悉不必公盡知

公幼而尚遺幼女二撫之如已出擇配皆故家子皆舊
姻體公志也迨諸子克紹厥家諸孫圍繞成行女歸寧
而有定相之甥歲已酉後公稱六十未亡人似可享一
日愉笑迨其季數奇家稍挫女先孺人卒棄厥藐孤猶
皇、閔斯夏瘁之色結轡眉表至病革頤筭中命出附
身之具鍼蹊宛然絲、手澤一如當年所以含殮公者
噫亦孔之劬矣而神氣安閒溘焉西向惟曰喪次戒殺
即是善果公逝之日惟囑子若孫曰吾生平雖無甚積
德差不敢損德雖無貴財差不貴書雖不獲上壽差不

失中壽。抑何免。勉同心。即去來之際。備然亦有同也。余
因見公身後。其子若孫。恭謹自將。恂、萬石風。務穡艱
難。有若童而習知者。而觀復之志。意廓落。務廣田宅。不
喜者。封殖厥後。著驕泰。離。徒存子若孫。累不覺。感慨係
之。均是德。明。何以苦本。聯。夢。今昔。荒枯之。忽異。嗚呼。始
信公與孺人。貽謀。深。遠。矣。是宜銘。五銘曰。
溫身君子器也。如玉不挾。兄弟敦行。于獨儼以淑媛。德
音孔偕。克莊克儉。白首無華。維穀之語。恃乃心田。斌
詩禮。濟。魯。云。神界吉壤。鬱南金。旺。炁。攸萃。一往而深。
異日松楸。昔年桑梓。尔後用昌。授記徵此。

澄吾王翁暨配周孺人誌

余里居數徙澄吾王翁忘年而與之為酒人游今秋忽

一日屬余為生誌余慨為之泚筆臨文不諱翁得之大

喜亡何置酒北山桂花下復召酒人補登高之宴余亦

與焉是日翁劇飲歡甚隔四日逝矣嗚呼俄而飲酒俄

而哭泣豈其夢耶豈翁之蚤計墓中石者亦有神以先

告之耶其孤哲臣將遂奉翁墓於所預卜之地而以周

孺人從請更合銘余謂生誌既有當於翁心無以改焉

也迺綴周孺人懿行於後而銘則稍易焉余所為誌翁

者曰翁諱維禎字文典祖晉寧守山城公魯父浙江少
恭笠洲公嘉言母范宜人_生丈夫子五翁則其子也少
恭公訓子嚴翁夙稟父訓甚得公歡事范宜人尤極孝
謹五兄弟友愛如一翁少有隼才方下惟發憤而會笠
洲公捐館未而卒業太學非其好也筆洲公歷者廉吏
後惟體粥之田翁備諸昆季克守家風有大徭役必
協力仔肩義無推讓以先壠之故尺地不少假有力者
撼之屹不動吾邑士大夫之裔能挺持門戶內周藩籬
以自衛一再傳而不失清白之遺醇謹之範者翁之十
一

明園巨學云壯歲即就選人得浙中圍幕間制不得婦

人在軍中一日有奸兵誘之闖入下其事於翁按如律
即貴公子出而以勢庇閫帥持兩端終執不可尋徙滇
南貳州守林需益州事多關土司激之則無故發難少
翫敵則動見掣肘翁_{在事精動動中覽}酌以競練之平莫之敢撓當事
者交重焉檄視南寧篆時有盜株連無辜者十四人爰
書具久矣翁為白其寃竟得釋府胥有挾勢姪婚事者
亦竟發其奸從事三尺南寧大治再檄視馬龍馬龍負
山嶺有烏龍箬者茂林深阻白晝常劫殺商人請兵扼

臨以戒行李，商始出塗，而馬戶以路當孔道，例若需索。
翁謝却常餽，時其勞逸，州中有三積蠹條，止立見施行。
愈為當事者所知，交水稅局缺，屬翁更視事，遠鳳首作
亂，逆賊龔廷，民心洶，相率欲去其鄉，翁鳩五御之眾，
親加訓練，指畫情形，示以亡恐，得勿徙，蓋翁志潔而骨
剛，不以一官為傳舍委自菲薄，務獲行其意，亦由其所，在精能
有局幹如此，而心動，毋范宜人春秋高矣，從萬里外為
五斗遙睇白雲，即有不諱奈何，累牘乞歸，卒不許，會遷
秩，丞脫拂衣身以行，而已不及見，宜人含殮，哀毀，欲絕，與弟

完吾公，抑吾公，拮据襄事，少釋終天之恨云，翁官橐既
廉薄，斤杜門自守，雖傲吾公，後翼傲公，父子蟬聯，昂
貴，翁第額手相慶，退而諭其臧，獲數載有加，曰：吾少時
不挾父兄之勢，敢得罪於御黨，今齒暮矣，肯倒行而逆
施，挾子姓勢乎？日惟治生事，簡括田廬之本業，而以其
餘力教子，躬自督課之，不令放佚，兩子俱隸諸生，次子
則從余問字，質穎而銳於進取，余所許之高足者也，弱
冠摧折，翁瞻前顧後，形影若失，已而抑情豁衷，逃之乎
酒，稍娛就北山城隅，葺一小園，有田數畝，歲堪種秫，竹

樹蒙籠櫻筍菱芡可佐樽罍中時之果不絕翁時幅衣藜杖華其

季弟抑吾與牛備一二白髮故交相與酣暢其中曰吾聊以

永日也翁自奉約省生平未嘗作貴介容暴殄衣食及

其置酒高會必脩洗腆要令賓主劇歡余習翁初筮以

至終席語不及褻輿至有少豪壯所不逮者見其形神蕭灑

狂老不登老老老不止笑而翁顧孳孳預卜肩依祖墓傍

隙地為他日藏舟此在他人以為曠達之政在翁則正

其綜理周家良士瞿之極思也噫人又誰肯蚤計友

誌死者余弟嘉翁之志而塞其請焉亦曰以誌生耳而誰

知竟以誌死也蓋使人惛然於生死之際有憬然於醉

夢之餘者矣翁生於嘉靖庚申年十月二十九日卒于

崇禎四年辛未九月十五日享年七十有以配即周孺

人孺人為解元文川公長孫女幼絕穎慧為文川公所

鍾愛少長公固與文川公稱莫逆交適申王兩相公過

吾虞少叅公邀文川公為同年飲見其子時翁方數齡吾翁兩相

不即深器之從史締兩家姻十九子歸事尊章妯娒下

連婢僕婉婉端莊種合于內則又考少叅公范宜人

所鍾愛會澄吾翁兄弟食指既繁且羅因火災析居草蔭

孺人相之儉勤。卒賴以克復堂構。貴而不侈。簡而不儻。一切養送婚娶之事。無不倚辦。其拮据。連澄吾公官輒所至。漣南萬里之遊。孺人亦弗與偕。曰。吾高堂有姑。統膝有兒女。吾為君守序。若弟一心。亦職母。殫內顧也。課二子有大家遺範。不減父師。二子亦競。奉母訓。朝夕有程。出入有節。常若嚴父良師之在側。終身衣不重縠。食不兼味。而遇內外嫻嫻。恩禮有加。母邦孺人老且病。歲時迎養。不輟。念文川公後。門第日就零落。視諸弟及女弟。手足相援。依。不忍去於心。晚則總攬家棟。之大綱。而躬自飯。依淨土。頂禮空王。其逝也。喃。之聲猶不絕。得考終命。無担化。蓋與澄吾翁相莊五十年。如一日。云。年于嘉靖己未年九月十一日。卒于崇禎庚午年。年四月三十日。享年亦七十有二。于是合而系之以銘。曰。

直而軒。茶而溫。進而舉其吏職。退而樂其田園。是無愧於清白之門。循爾賢配。聚爾後昆。共此一丘。以得從爾先大夫于九原。其又何憾。而不以安爾之魂。且中有木。枝大且繁。葛藟繫之。實庇其根。異日之於斯。真肝。

于斯受贖。立斯濟。來斯源。者夫孰而非翁之子孫也耶。

山塘王氏謹識本

惠菴吳公墓誌銘

庚申翁客余攜李齋中時有善者小像者家兄弟環而繪之獨繪翁病容則酷似病而似俗所諱也而翁顧對之而笑命余為讚隨自草行畧命余更為生志謂諛墓文即佳鬼安能倚松柏而讀之不若及吾一自見其影也余雖心然其曠達而終以遂巡不果越一年訃至長安翁果壽止此矣傷哉余受翁夙器之貧賤時今既不與共安樂歿而又不得與之訣補者志以報之復何益噫鬼而有知尚許余言視繪手孰肖也翁諱應徵字

聘之。惠菴其孫。父尊溪。祖小虞。高祖虞東。則大理公堂也。其族呼為老御史者。曰文恪公。訥小御史者。曰淳翁。其家孫云。翁性健爽。又生長名家。負氣少成。如江心怒磯。流稍啣之。即噴薄不可下。滄史風止浪息。即又襟懷一碧矣。蓋生平無論機械荆棘。所不解設。雖尋常綢繆禮教。亦未肯僕也。幼絕警敏。不受塾師約束。率意為文。動有氣有詞鋒。為增廣生。以錄遺冠九學。諸生者一入闈者。再而未四十。厭薄本業甚。文恪公遺書。都付之爆紙。或嘗詭藍衫。亦作典衣。未嘗披之一屈膝。長吏督

學。至學官呼之。署考。搖手勿應矣。日頽放麪生間。邪而飲。酉而不醒。不問米斗。亦不問從事。楮郵川吸溜。決貴且快意。又能取糕粽雜米汁中。以當軟飽。酣暢之餘。通假文。下淡詭。可倒四座。其絕人者。口令手闔。取景目前。思出匪夷。初筵屢遷。乃至數十席。無一複者。恨未令酒史類而記之。譜入觴政耳。人以是愛而喜。延翁黃公之壚。習公之池。所在有流連沉酒之跡。而獨畏貴客生客。不幸。邂逅衿裾。片晷喉中格。攢眉欲逃矣。所最善者。淳齋張公。其一門之子。姓羣。從花晨月夕。山水之間。翁

必與焉。翁赴之，亦如赴家，不東方白不止也。而翁故習
豪華，間亦復喜引客飲，往往從郇厨講求食譜，歸而效
之。率尔小集，務極洗腆之具。或時無客，則聚族而飲，白
晝鍵戶，網髡于額，腫落于眶，各不相識，相詈而散。竟以
是絕口家人產。中道而鼓盆，喪葬婚嫁，一時填委。家用
日挫，余初為其館甥時，嘗尚可當中人。然已僦舍居矣。
而久之，酷有移居之癖。始而城，既而郊，既而復城。如星
更舍，子更局，不憚煩也。最後竹扉槿籬，蓋已蝸之左角
矣。然故人攜酒相遇，即摘蔬為供，瓦盃傾倒，便富一日。
或風雨之辰，有裹糧而視之者，亦不命作糜，徑付酒家。
對人輒云：子不見信天翁鳥乎？得過且過，雖欲不寄愁
天上，子且奈何。年來余始為置一廛，結里中金雅少衛
襟和輩，與為酒人。每入余門，內子亟治酒相待，甥輩牽
衣裾，煦煦然共作嬰兒之色。弄舌大噱而去。余竊謂以
翁意興，豪舉洒落，此必醉鄉耆老閻羅所不臣之人也。
而瘡鬼為厲，三年不消，足亦蹶躄，疲於濟勝，把至數爵，
漸有懦態，亦遂竊疑之。嗚呼！聞其歿也，殆以柴立之骨，
縷一氣，噓向四壁而絕矣。傷哉！昔尊溪公亦嗜酒，不

治生。歿之年。夢庭中尊罍累。倒垂如橐。人謂酒祿暴
殄之過。翁壽雖倍之十年。而倦岷之景。蕭索正相類。豈
其門風尔耶。

銘曰。此有明酒人。吳聘之。一醉而寢。墨。一。范。
道。逢。東。臯。隸。籍。其。御。遂。不。復。返。蛻。此。黃。腸。墓。無。秋。田。空。
老。白。楊。春。風。搖。草。猶。聞。酒。香。

翁生於嘉靖乙卯五月十三日卒於天啓元年七月
六日享年六十有六

王處靖誌銘

余秋還里門唁澄吾王翁淚承睫不收第出其狀示余曰此血
盡而繼之以筆者也嗚呼生子而慧教其子而觀厥成身又蔑
境美而含飴鮮歡反吞荼及此傷哉翁失一佳兒余便失一高
足弟子矣翁之哀余哀也傷哉王子諱啓臣字處靖翁仲子夢
鹿而生頭角蘄異授之句即應聲授之八股即又應手絕得外
傳憐翁官越留王子於舍蘊火篝燈聞雞推枕攻苦若夙嗜翁
以是悉委家塾寬內顧憂迨自滇還而翁菟裘粗葺臺意之子

矣遣就余卒業余與竄削諸藁連卷成帙見其兀坐或環柱走
即不括一題不落一字墨濡濡脣者類間皆帖括也聞余言稍
合理道輒首肯頤解書壁滿自砭聞他所有異書多方購假早
得之矜為秘藏紙勞於手余羣弟子而課射覆每王子最行輩
亦心遜王子也尋隸諸生復應南都試余謂以王子才便可順
風揚颿一瞬千里且竺洲公之澤方蟬聯起青箱君家舊物耳
翁又奉身約奉師謹之子也其必食報而亦竊念其質故辱其
志乃用壯生平善病迨兩年之病病笑尚矻、不休則時勞之

曰夸父之步養由基之射盡亦稍善息王子蓋領焉而竟欲不
支以死年纔二十有六嗟乎王子竟死於名耶性尤沉毅重大
節翁家訓必依方幅別字曰績銘志誠也動止出入稟嚴命惟
謹况時送父之越即牽裾請侍母、病密禱神得旋愈族既鼎
貴伯井兄弟相處都無間言有族景巖子病且切親為視藥經
紀其喪病中猶哭其兄葆初至大慟卽翼孺子義形於色常以
徐台室姚琴源及余當父事之師嚴子孚文薛汝瞻輩當師事
之友慎交游惡然諾有老成所不逮者不獨才矣至乃弥留之

前夕留句云去年今日戰文宮誰料今年命輒窮明月正圓人
欲去好將踈雨送孤影旦而逝果雨也抑異矣是為己未之中
秋又可異者是夕余在檣亭夢王子慘然詣余曰吾師乎從此
別矣翁至是述其遺言亦云記我者必徐魏二師嗟乎魏文有
言痛知音之難遇傷門人之莫逮余獨何心而負王子翁以天
啟元年正月十二日葬於先塋之側而以先子婦何氏從以明
輔次子繼昌嗣孫女一則後子婦陳氏出也台室既為之傳而
以銘屬余銘曰

而胡姿之醇而胡志之勤而胡命之不屈死生大矣亦既備
然名幻之幻而胡介之為知子之再來兮現宰官而得度也
庶三生之授記兮指一笑而相顧也

繼川魏公詩

萬曆壬辰二月十五日處士繼川魏公卒越某年其子
進士大中以報最颺言於朝贈如其官為脩職即行人
司行人又嘗採御者擢集門士據公大節私謚康惠先
生焉既耀紫泥亦表素旗闡靈爽之久沉恍鬢縻之若
刻嗚呼哀哉公孝友自性慨慷有質起家草莽鞠躬楚
茨身無七尺願有翁伯之悍精郭罕二頃而多魯朱之
任俠父南川公夙好檀施晚苦蓼集公殞血孺慕愍劬
母之荼毘燕羽乳哺完孤生之穀卵代征徭于薪荷不

惜。斲。重。呼。庚。癸。于。釜。塵。惟。憑。舌。在。室。廬。萍。徙。童。別。蔚。從。
玄。成。學。富。堪。旌。通。德。之。門。太。丘。道。高。並。指。聚。星。之。社。一。
時。族。黨。重。季。布。之。片。諾。善。陳。孺。之。存。宰。每。痛。必。額。有。難。
斯。排。雖。兄。弟。鬪。墻。之。凶。婦。姑。勃。蹊。之。瑣。惟。恐。見。知。於。彥。
方。與。聞。於。君。實。矣。至。乃。辭。豐。安。匱。不。收。不。求。急。病。孺。夷。
何。有。何。亡。晏。子。之。喪。寧。赦。百。結。范。滂。之。緋。猶。戀。一。寒。飲。
水。自。知。舉。火。畢。待。戚。自。暮。功。疏。惟。鄰。曲。凡。阮。公。字。下。者。
莫。不。氣。洽。同。歡。之。株。情。聯。交。讓。之。木。也。而。公。曠。志。弗。羈。
潛。德。勿。耀。睚。眦。評。詒。付。之。唾。天。脂。膏。割。捐。視。同。委。地。若。

夫。霜。畦。竄。遁。如。傷。刈。蔬。之。叟。雨。舍。崩。折。亟。援。市。饒。之。兒。
人。皆。稱。曰。長。者。公。固。口。不。尸。功。手。常。忘。倦。矣。卒。之。日。里。
巷。填。哭。行。路。纏。悲。盲。如。喪。其。所。天。烏。踰。數。年。大。中。經。其。
舊。墟。故。所。接。閭。對。字。者。獲。睹。龍。種。愴。懷。虎。賁。簞。壺。迎。勞。
童。白。交。歎。此。亦。歎。誠。入。人。之。至。矣。嗚。呼。哀。哉。可。作。誄。曰。
有。喬。者。木。身。其。柯。豈。無。雨。露。為。陰。幾。何。有。醴。者。泉。其。流。
湜。吐。潤。童。稂。遇。暎。則。息。人。貴。介。立。亦。忌。無。徒。貞。能。此。
物。乃。德。之。腴。疑。矣。魏。公。千。仞。孤。峙。屢。空。晏。如。而。秉。高。義。
嗟。父。于。後。去。為。人。師。織。簾。自。隱。吸。苜。以。嬉。思。斯。動。斯。保。

茲同氣事母如一。眷言予季。阪田敝廬。是藝是廛。以遺
諸從。美矣肥肝。人有子弟。字也若子。既緹既墨。且哺且
飼。濟之鬻非。初。舞雩望遠。集識公之徒。所在流寓。惠
顧隣好。穉齒靡眉。咸推更老。來質厥成。弄瓦解紛。匍匐
往救。緩急必聞。蚩氓化之。克讓克仁。奄成畏壘。曰朽之
人。迨於別徙。涕泗牽衣。斗酒時問。顧公盍歸。嗚呼哀哉。
觀公志意。詎蓋一鄉。是亦為政道。闔日章。天佑正直。庶
究厥施。泰山寸雲。弥宇霑滋。如何半百。遽殲良士。比舍
停春。交衢罷市。僉曰哀哉。自公云止。不平誰愬。凡民有
喪。誰卹。誰購。誰教我子。誰植我疇。無為善。仁義烏求。
人百其身。莫贖子車。惟百其口。永慕不渝。猗歎肝膽。春
煦秋清。高凝不散。鬱為國禎。國禎伊何。孤鳳決起。經營
四方。維天子使。天子嘉之。用貶爾父。有赫王言。告于淺
土。嗚呼哀哉。公有至樂。匪爵而重。亦詒有穀。學優則用。
靡德不報。靡幽不光。朝典肇錫。野史攸彰。韜婁之潔。免
禽之黜。維康維惠。異世合轍。昔稱邕碑。林宗式配。余則
不文。公其無愧。嗚呼哀哉。

致身錄跋

余髫時猶微從父老口授革除遺事。今聖明不諱草茅
無忌其書漸以出。而其事亦漸以廣矣。願茲編簡核得
未曾有。既使史君大節。塞以匪躬。遊以投世。家乘之所
三緘。而野史之所一失者。至是炳烺人間。而并使雪和
尚補錫匠諸人姓氏。歷々足徵。如豐城瘞鏐。連宵冲沐。
擊節稱快。不意二百年餘。見此奇特。若夫真人之氣。屢
照蓬華之間。孺子之名。肇錫桑弧之始。其于史氏尤存
豔譚。鳶湖公稱藏二酉。屣棄一瓊。取與之介。赤手斬關。

升降之交。白鬚披上。誓終老于菰蘆。寧魚蝦之結侶。故
宜繼其隱德。發此潛光。余何幸而辱公晚知。且獲論公
先世焉。

始祖墓記

吾先世之克。勣業起厥家。垂裕後昆。而身且優游壽考
者。定以怡晚老人為開山祖。茲其葬處也。墓前故有碣
一通。吾為兒童時。猶得捫而讀之。栢樹掩翳。傳是吾王
父近慈公手植。今栢則愈以森鬱。而此石龜趺剝落。偃
仆荆榛。蔓艸之中矣。文為豫章范公景先所撰。范公靡
得而考其世。列銜則禮部尚書。郎前曾為監察御史者
也。其文云。公魏姓。諱嘉。字彥良。世居海虞。言偃里。曾祖
細九。祖慶二。字宗善。父寧。字安之。生自前元辛卯九月

二十四日。十歲出就外傳。二十娶沈氏。二十七歲生冢子忠。三十二歲生恕。三十四歲生益。三十九歲生升。四十二歲生恒。公為人忠厚。剛正。讀書知大義。幼失怙。事母盡孝。處宗族盡和。鄉里有倥偬者。生死周給之。有不直者。平之。忠等壯。各與之娶。恒出贅錢室。忠娶吳氏。恕娶周氏。益娶程氏。生女淋真。程氏早世。再與娶郁升。娶李氏。孫男十四人。曰鱗。曰綵。忠生也。曰綱。曰績。曰續。曰絃。曰綺。恕生也。曰紈。曰絳。曰紹。益生也。曰績。曰約。升生也。曰海。曰澄。恒生也。孫女十人。淋貞。淑。淳。淋真。淋賢。淋柔。皆適名家。子次五。俱未歸。自其弟逸倫。任滁州太僕寺倉副使。歿後。公厭市廛。置隘。移廬山北麓。報慈橋。又為別業一所於鄧溪之上。置田十餘頃。以為子孫衣食之計。晚年諸子俱壯。能幹蠶。乃以公私事屬之。自構一堂。以為怡息之所。榜曰怡晚。客至則焚香啜茗。或酌酒。或清談。遇良辰美景。則幅巾藜杖。逍遙于花林竹園之下。樂天真也。子孫衆多。賴內助焉。永樂甲辰十一月十七日。終於正寢。享年七十有四。葬于廬山之陰。按譜忠尚有第三子純。而益第三子。一名緝。微有異同。豈公葬

時純與緇尚未生耶。餘則無弗令者。再按邑誌不載鄧
溪詢之父老亦不知所在。所謂別業蓋不可問矣。今獨
報慈橋之名。則路人皆識喬木耳。公之葬處以諸子祔
惟第五子出贅不獲祔焉。其昭穴即原本公忠。于吾方
七世祖。凡環公之冢纍纍。而昭穆祔者皆五大分之子
孫。人受一區。迤而更北有阜有窪。松栢獨凡。者則吾
家所受地。維順公綵以下至王父冢也。當年未經分祔
地之寥廓。柝木之蒙籠。其氣象當更可觀。公之弘度遠
畧亦於斯可想見。噫。微公之遺。子若孫安所得各保首
丘。若聚族而處。人死則昇而赴之。如歸乎。沿龍既久。力
既不能。別營吉壤。舍此他之。而又憫無禮法。有隙輒瘞。
駸、逼公。遂至墓木俱童。欲拜公于墓下。幾無餘地之
容。滕笑吾。深用悽愴。誓志有年。今倦游致政。徘徊丘壠。
感慨益多。迺開徑伐石。重勒范公此文。而自題其後。蓋
溯公之歿。二百有八年。而脩墓之人始出。庶幾復還舊
觀。人家門祚興衰。苑枯之運。或十年而變。或一紀而周。
未有相去若是其遠也。而今而後。凡我族人。其尚益勤
洒埽。益大封植。以共守一坏。毋使他人得斲卧其側。毋

使樵牧得行。歌其上。嗚呼。匪源曷泉。匪根曷枝。溯厥此
身。生民繇誰。自源自根。自植自根。滋仁人孝子。眷言永
思。彼昏罔念。氏滅世隳。濟、子姓。諄、誠詞。於昭后土。
實共聞之。天佑大名。永護豐碑。

宿大茅峯頂記

大茅峯一頑山也。又余以杪秋至。草樹皆斃。井子瞥見。
大失望。謂斷可以一宿。不可以再宿矣。畧放脚。林窟都
徧。井子又恚曰。觀止乎。余曰。不得尔。千年名山。且勿唐
突。請觀落日。看山靈解嘲。須臾盡大地。臙脂赤。已而青
嵐蒼靄之間。僅餘一抹。又似絳唇。正各以意擬之。則日
沉笑色亦漸散。遊侍兒狂叫曰。此又似海水。井子振衣
喜曰。便作海水觀。亦得。因注射。返照。見有陰雲微綴。狀
類揚颿者。指語侍兒。若見海上舟耶。皆曰。舟也。從此一

一諦觀。身行盡處。非籬落耶。炊烟尚縷。也。如箏者是
竹。如鬢者是柳。若見否。皆曰然。以至舟中之人。天際之
鳥。侍兒。互相誑。以為我可數。其鬚眉。別其毛羽。余亦大
笑。澹。桑。小。叔。正在彈指空華。幻景。都由揜目。有是哉。井
子亦稱快。不絕。願謂余。安得更以午夜見月。便呼王。孝
伯。同死耳。羽士曰。不酒也。此中以鐘鳴為信。益喜甚。索
酒。半。余訝鐘何遲。乃尔。起望巖頭。月已不啻高春。意
呼井子出。咄哉。咄哉。幾敗乃公意。蓋羽士空山寂寥。得
一客。輒相賀。高陽侶。至矣。若欲酒。余令童子。故勿扣鐘。
給之也。巖石冷透骨。髮不可久留。余兩人。目語。尔時正
宜飲。勿飲。彼黃冠者。乃復阿我。我美。竟滿鉢。問侍兒。安
在。則聞巖下。便有虎穴。都以衣蒙頭。踞壁而睡。戲。但之
作怖狀。躍起也。

游荆山記

蕪之環江。磊々。有山。其近而易陟者。為荆山。梁大胸數
有。余言荆山石之勝也。權筭稍間。乃邀同年錢銘韜湯
惟一。青門。為茲游。放舟先下。輿而往。始出宣春門。雨意
垂々。臺隸各持雨具。行十里許。風氣漸豁。時清明前一
日也。野田多挂紙錢。村々。花柳映帶。青々之麥。帆檣來
往。與旆旌遠近。虧蔽。渡河穿墟。落入山之趾。桃花李花
尤。歷亂。山骨隱而膚活。其意殆欲飛去。不屑拳峙者。石
皆橫見側出。勢如逆鱗。荆山之名。甚無着落。或以石故。

然石理純青鼠璞亦不似也。二湯俱嘗讀書于此。惟一
謂僧舍宜散建平麓。仰睇石壁。今乃倚石壁為一。頗失
位置。此最確語。而更可恨者。以佛頭點石之面。金碧塗
之。何年風雨剝落。有石洗冤觴。文昌樓下。白馬赤鑄。卓
列几席間。排場之半。遽起放脚。望大小荆亭。疎對。憩
於寒壁。席地陳尊。止携吳伶四人。清歌互答。此中蓋希
有之音也。壁峭立。類石頭城。而高倍丈。四顧廣莫之野。
所謂歐陽湖者。夷為燒畝。牧豎逍遙寢處。其間余咏細
草短蕪調馬地。淡雲微雨養花天。正今日當境語也。而
二湯言此地黃梅時候。湖水汎瀾。彌山白練。濤乎大哉。
觀矣。請需再至。江風厲。不可久留。余先逐之水次。洗盞
更酌。譔笑無倫。惟一色飛檀板。不禁喉痒。亦復繼其聲
焉。泊岸則渡頭燈火。漁市喧。青翰舟中。不知有鄂君
矣。白太傅虎丘詩云。一年十二度。非少亦非多。閨使例
以歲滿。雖及時登臨。惟日不足。幸藉手同年。得春來第
一游。第一醉。晨起帶醒疾。書以代徵詩之檄。天啟癸亥

三月八日記

石屋記

石屋之名最多。山巒林壑之間，巖如渠，如者所在。而有杭之西湖，所謂烟霞石屋，特其一耳。吾虞之北山，故有石屋，俗加一坡字，為石屋坡。石方而敞，其下可昂首而立，中容數人，鄰白鱧洞，有泉焉。拂水維摩，折而下，匯于桃源澗。黃梅暴雨，則石簷淙淙，如簾倒掛，坐而語，喧飀不聞聲。余前人之敞廬，恰與石屋相望，瞰兀窓几間，而先墓在廬之旁。其滕畦之水，灣環繞墓者，即斯泉之脉也。桑梓所自，益不能忘情焉。異日者，得老而徜徉。

於茲臨潺湲而洗身。觸丘壠而興思。無多杖屨之勞。若在戶庭之內。余遂得而有斯石矣。惜其地迫西日。屋淺又不必施亭榭。犯架屋之病。將四散襟布。桃花幕以小松。俟其長可成翠幄。二三月時。引流為觴。藉英為茵。空山雨歇。月夜盤陀石上。靜聽細泉。洎。尤佳境也。因預為之歌。一曰。維石之坎兮。其下渠。石有根兮。泉有源。爰遂止乎故居。維屋之渠。子。因石以為廬。我將卜度。是種是澗。種花灼。澗水徐。花開水流。或以我為仙居。天啟甲子三月廿四余生日記

懶菴記

萬曆辛丑之清明。吾母始為余兄弟爨。折而三。余受廬自房。至庖。僅五楹耳。所謂懶菴者。房之廬下也。余又界其中為三。右以貯米蔬。左以安機杼。而中可容一几。一木榻。稍經行。足。即蟻旋矣。兩柱復枳之。因其勢架度閣。上書籤。下則茶鏡酒白。亦自楚。舊為板窗。易以長檉。始得直履戶外。繚以周垣。竹約百餘竿。涼月之夜。紙窗竹影零亂。幽致撩人。三冬晴旭。晨光先射。筆硯就之。輒作潤煖可愛也。又風雨從空山來。掀舞之勢。碧玉戛

擊之聲。洵、幾撼破屋。少焉風止。兩歌青翠。滴案新篁。時更佳。老桂當窓。色特黃。而粟經久。其下襍以秋海棠。四時之花。惟有此。余館歸。即掩戶。不聞呼歎。往、歸信宿矣。同室之人。尚罕見其面。五六月。以先嫂弟婦輩。納涼中庭。余則坐蚊蚋中。少頃就暗。卧間有不得意。亦嘿、向隅而涕。潛命內子。炙酒自解。人來復強顏笑。向時年已踰弱冠。吾母常私憐之。謂人家處子。得便如我。此兒好情性否。而余實自恨淹抑。出外無顏見舉趾高者。歸來復作何聲色。且骨肉並居。調停之間。倍有苦心。未易一二道也。舉業亦從辛丑兩年。少有所興。有所進。然秘不以示人。雖家外子。多所未窺。酒酣獨對短檠。悲壯復不自禁。常一夕投藁於火。內子偶見而奪之。已燼燼之半矣。次日綴而理其語。忘者仍自悔惜。時又不專在舉業。喜讀書。學為詩。壬寅夏。以內子病。家居者一月。俟其呻吟稍間。抱一編木榻上。目亦下數行。常笑。爾時家尚無世說。外子偶得之間。與余語。晉人姓氏多不謬。而筆下輒作晉語。叔子訝。從不見家。仲讀世說。何暗識。以過我。而余已自其案頭竊讀久矣。癸卯人日。密寄何無生。

有懷同社及家弟詩云。草生靈運夢。花發道衡思。無生
亟稱之。始有知。余亦拈詩者。蓋余生平伎倆。常恥衡人
知。而褊介之性。偏於落莫中。又不肯為人下。交最落
其與我周旋久者。惟懶菴數椽。仰看已成熟面。而此君
秀色。與靈實之異香。微以散蠲煩悶。引箸清遠。有我老
友。其益實多。今日追而記之。檄報山靈。使知猶有歲寒
風味在也。天啟元年辛酉冬夜。京邸與羽兒偶談及。遂
為記。

宛鳩齋記

齋故先子書室也。中為三楹。紙窗粉堊而已。虞山補墻
之缺。如掛橫披。內園水一泓。又折為小灣。活水也。非大
旱不涸。黃梅時。泉聲飛叢莽間。驟雨則溢。萍苔栖於半
扉。先子顏其自題句云。澗影踈簾上。山光短榻前。致畫
之矣。庭有老梅。紫薇。西府海棠。各一株。不必花時。樹意
皆入画。樹下點置坐石。砌則長春。洛陽。各色葵花。及
秋色諸種。四時繽紛。先子每從館歸。手自攀英摘葉。分
疏繁簡。意所寄也。澗邊襍種桃柳。尚未成蹊。而先子捐

館矣。以屬叔子。余退居懶菴。尚後九弟更議割廬。甲寅
歲復屬余齋。初無署額。余始署為宛鳩。志念昔也。從墻
西通一小徑。素不問形家言。見鵲方巢竹上。隨其牖戶
所向。即開一門。而其後形家來言。竟暗合。徑沿澗。迤而
行。垣以薜荔。宮柳參差。緋碧千葉。諸桃皆取其穉者。歌
斜者。春時墻頭望之。爛若披錦。疑有深谷幽洞焉。好事
者亦呼之為花溪。多載酒至。余偶在家。即刻啄聲不絕。
雖風雨中有來過者矣。舊紫薇之嶼。小有假山。過客皆
言真山。日在眼。而尚用假乎。余乃撤去。錯落澗旁。殊覺

軒前爽。而邵茂齋又言澗東之面山處。所對長松蒼
然。象從此落。兩岸亞枝。波紋蕩漾。頂一小軒臨之。可名
樹影。恨余力不能構。負此佳話。乙卯後自余出山。仍屬
之叔子。今日自樵李歸。老梅蛀蝕已屏去。海棠亦不復
花。而當年之柳。生意婆娑。其下俱堪繫馬矣。追惟受書
先子過庭之跡。尚在石稜。蘚痕之間。常若見其軒然端
坐於上。有呼僮灌花之聲。咳焉。而以後時與。林子臨流
命酒。仰承花片。並賦落花詩。及良夜罷卷。凭肩石上。望
西山之月。垂墜。墜下。淒絕。兩不能言。然後就枕者。感慨

何止一端而已哉。泰昌庚申九月小重陽記。

養賢堂記

郡學故有饌堂，以便都養者也。凡學校養士，各就於其位，渙處不一堂，以萃之。聞鼓鍾而集，正席舉案而後敢嘗，飲食之節，言語之慎，咸於是乎觀焉。因名觀頤。按志：新堂之制者，宋紹興間知軍莫升益改堂之向者。宋寶祐間知郡謝堃復堂之址者。我明宣德間大理卿趙聚而嗣後寒矣。余以戊午領校斯郡，甫至，諸士即引余披茂草中，指殘礎而嘆，願重葺之。乃以請於治兵使者趙公，欣然舉行。郡守顧公首分俸，令縣丞董其成，仍

舊址向良巽之交。為三楹前與青雲樓對峙。左右括檜
紛挺。桃李環映。高廡美奐。秩如也。趙公更堂名為養賢。
諸士於是式燕落斯。余中坐起。諗曰。聖人之養賢也。養
之云乎。固曰。以及萬民矣。聖人不能徧萬民之口。家而
哺之也。擇賢者而授粢焉。鹿茸以教之。魚汕以衍之。惟
恐其不一饗也。一饗而民之饑飽皆推。而為賢者事。拱
手受得人之逸矣。今諸士勿論他日。上公車。續食縣官。
及為吏。食邑至二千石以上。即六七百人中。餽于學宮。
稱高材生。不過四十人。歲計廩入。雖已五百有奇。此誰
非民脂力。而出諸田額。而輸諸公帑者乎。不耕而食。無
事而食。公孫且彭更之論。寧敢過濇刻。菲薄天下。墮者
正欲士商義利。絲名實退。而顧其所安。進而思有以自
効也。今夫僮髡黠縉。吾儒斥其手慵寸報。而腹饕四方。
以為害甚游。祇不知祖意。豈爾謬種。自壞其宗風。故齋
堂之設。其集也。亦必以聞鐘。其嘗也。亦必以正席。以舉
業。且威儀視子衿。加肅焉。凡以動其慚。而銷其業耳。而
况紳佩先師。冠冕儒者。試自村生。平天志。果斷。不在
溫飽否。天下為己任。果斷。在做秀才時否。伐檀之章。

河水清漣。明貞也。而廉頑。起懦。使人自食其力。能各自食其力。其不食焉者。寡矣。則君子之所濡潤者多矣。抑伐木之章。醜酒列籩。豆盟之神。聽以申求。友亦曰。觀其所養。反觀其自養。反觀或味焉。相觀而善。庶得其正耳。有弗正者。其弗和且平可知矣。今日者。友生相與醜酒於斯。列籩豆於斯。可以聽。可以觀。正矣。和且平矣。於以觀乎民。其及寧有既乎。甚哉。觀之時義大也。諸士其思也。

舊廬記

堂既成。匠斲手散矣。一日。周視廡下。所撤屋木。樞棧。棗枕之屬。尚可材也。急召匠。還仍前三楹。鱗次於堂之後。稍却而北。不日。亦復屋。齒翼。有叟過。曰。子欲以是為晏息之所乎。曰。然。曰。然。則盍新諸。子如愛惜物力。視堂微儉其制。而可笑。而惡用此。爨下材。曰。吾以存吾高祖母李也。曰。存之。則曷不為特廟。以尊崇之。曰。吾意亦爾。古人先河之祭。良有深思。然而禮有所制矣。吾雖得為廟。三至。皇考廟而止。追而上之。非禮也。吾以存吾一念。

焉尔矣吾聞諸先子曰吾高祖文美公淳厚忘机人也而性嗜酒不顧家遂早世時慈里公慈溪公尚在垂齡族有孰、吾廬者矣母以死自誓孤嫠相守室得勿毀母蓋文安公之族出于名閥故知大義如此云微母即樂賓公之遺基久矣他人入室安所得五傳以至今日昔韓康公之母隱古几毀壞其外孫卞鞠見而欲易之答曰我若不隱此汝何以得見古物正斯廬之謂也周公之陳無逸也曰相小人厥父母勤勞稼穡厥子亦不知稼穡之艱難乃逸乃諂既誕否則侮厥父母曰昔之人無聞知嗚呼其所謂小人蓋指田舍翁父子也而猶然笑而况士大夫曾居寵祿誦法先王其所為即後人將則而倣之者乎可不慎哉嘗觀先輩風度未有不動引古昔好談說其起家初不諱微時之光景吾通籍以來飲食宮室輿服僕御之觀凡涉於自奉者每從其簡不求華侈人亦勸有勸吾何乃溪刻自苦吾謂吾未嘗溪刻惡見為苦且如斯廬之中母當時提兩孤於鄰仰衣食於十指茹飢忍劬之狀即先子有不能殫述者而王大父食貧如故王父亦如故先子終夜呬唔先母厯

寒暑浴蚕漚麻親織紉之務又吾所習知也吾今日既
作室底法以塗丹雘以奉宗廟之祿蘋退而又有斯廬
以便晏息初非晚菘取諸圃而自足山禽溪毛之可食
者可以坐致時、台叟輩開尊道故逍遙歌咏其中則
其為樂也實已有餘是亦良母之德而陰享先民不盡
之福也吾祖父曾有是一日之遠志乎稼穡艱難吾得
於聞且知者而猶登枝志本作法于涼之不屑子孫若
其何觀其所聞且知者吾今日士大夫之規則及末俗
子弟膏粱紈綺之富貴容矣時移勢異於後人乎亦何
誅叟曰善皆如子之見子之言不信夫今世之非黃虞
而吾里之非康衢與畏壘也家以之書紳銘座可以正
俗可以養身可以長世笑而謝曰聊以叟為迂論叟不
迂之而反譽之耶吾凡為此舉動無非示吾子若孫而
已子若孫能永存吾之所存雖有絲枲無忘管蒯也則
賢者乎

報慈橋新阡記

從報慈橋之北臨澗折而西數武則吾父母窆焉山軌
向巽龍庚辛之亥地一畝許於菜畦中特墳起兩膝夾
張如翼銳其一角如啄水石發源於桃源之小澗疏而
為池孱々乎襟之左有微茫而隱見者洗馬池之關道
也蓋腋之而德匯於溪口東入福塘橋則扼其喉也先
是為陳氏地所云菜畦即吾祖近慈公抱甕出汲余欲
名之為小漢陰者也府君常與友人蔡無辱登壠而眺
嘆曰吾先人圃于是而吾異日者歸骨于是魂魄有知

依之矣。譬諸殖焉，其始之勤，其殖而後之必食，其實也。吾子孫其有食焉者矣。歲丁酉，府君病且革，名無辱於榻前，理前語而謂吾母曰：「毋亟葬，我需十年乎？」二孺子之有成也，迨浣與冲一困于諸生間，一困於童子試者，亦既十年矣。而落，如故也。丙午，吾母又見背，則相與啣臂引決，天乎必暴二人之骨，而以成吾名者，河之清矣。其子之不肖，吾父母何罪？問以請於先友，無辱曰：「未也。」服除，浣乃得試，有司誓以售，渴葬不售，亦渴葬，果不售。二月，無辱詣浣曰：「可笑而翁所屬者，而之睦也。」而

穴，固陳氏地，善也。吾向者久疑焉。今天以穴賜若矣。亟鬻諸浣，曰：「即無金，奈何？」曰：「已者若辦之，出十金於橐，券焉而余乃徐償焉。且忍其族之爭者，而倍鬻焉，遂以是冬克舉。襄事是為已酉，距府君之卒也。適一紀，浣曰：「徵先友，吾惡知吾父母之歸骨斯也。蓋葬既竣，偕予拜於荒榛風露之下，泣而言曰：「今日者，有以報吾友矣。余泣更為泣，嗚呼！斯不亦古延陵挂劍之義哉？」府君孤介少可，常言無辱，吾死友也。信乎其死友矣。吾子孫不忘乃祖之德，以世保，有斯丘，勿為牛羊之躡蹠，狐狸之

跳嗥勿為豪右之吞噬者其尚世、毋忘無辱

容齋軒記

余初入樵李即有為余攢眉稱學宮湫庠往時先生多
僦外舍以居余曰素校官行乎校官耳何擇焉至則剪
荆拾礫為軒三楹以館兒輩虛其中之一為親朋下榻
之所西垣故有高梧二株翳日漏月稍、墜竹坡雜蒔
梅柳之穉者蓋蕩然廣除矣客笑此郵宿耳餐錢幾何
而遽割弟子脯徒利後人余曰人惟不肯為後人地而
動以郵視也所以地者弗支燕者弗第以至乎今豈特
弗支弗第而已又為之薪其殘楨槩殆盡而後去余

若更坐因循。是永無開闢手矣。自我來斯。問字之屢。載酒相徒。家人粗具饘粥。終日仰看屋梁。回視及諸生時。所棲懶菴。及宛鳩齋。規制了不異此。而今徑可勦眠床。上覺即信意抽書。無經營八股之苦。又學宮前臨孔道。郵籤一報。郡邑之長。即今者酷暑。複衣裹汗而出。而余方露頂梧竹之下。與兒輩商畧文史。或評詩話。傲前日亦領一縣。此累不即到余乎。取此二苦。用以自喻。烏往而不得陶。故事改校不逾年。輒內徙。余以銓印停閣。獨多一年。笑謂客曰。早知爾不有斯軒。兩年不同。艾子昂鼻承雨。耶東坡雖謫居海外。瘴烟窟裏尚研木陶瓦。構白鶴新址。余今自乞為閒曹。得以從容水國。若儻魚之相。响以濕。遂相忘。不能去。茲軒之美。越涼風固余之日。處乎濕中也。他日流浪風塵。碣而失水。應復念此。故留題於壁。以識余筮仕之踪。且使後之好事者。拓而壘之否。亦勿爨勿刈可也。庚申六月十三日記。

游鷺窠山記

鷺窠山在鹽官界已未視篆海昌即有德余竣事為茲
游者會暑促不果故書懷詩有羞見鷺窠夢裡峯之句
庚申中秋後五日余將去攜李矣蔡子子穀子查子
公權公度皆海昌所識士也亟訂於此山為余言別十
七日乃抽身往風駛甚先泊金粟山子穀弱冠即夢至
一寺見額壁間大士像金色其半而下一截淋漓支離
俄有朱衣者呵而至亭昇一棺僧指謂曰此故太守其
前生曾繪此大士而未了弘願以物者也及子穀鼓盆

而贅于山下之某家。一日入寺壁間像宛然。陡發驚汗。涕泗投地。已館于二查。病幾殆。病中合眼。輒見大士。二查力讚歎成之。且佐以貲。而子穀遂罄其田。建大悲閣。又復大殿。皆新構。斧杵丁。馮。而大士壁獨儼不動。諸羅漢像謀徙。而新焉。主僧振慈。夜每夢諸老衲著故衣相告。遂得不徙。然則子穀之為示現後身無疑矣。南昌太室趙老師亦鑒定子穀。余告以金粟緣起。師視兵海上。還特屏驢從。入子穀關中。剪蔬細論。至是子穀邀余亦一至。不知余與師在往。因中何人也。余初至。風獵。然雲滿。然四子謂必月出也。而飲實勇登山。之後。趾特阜耳。時陳子則梁遣人以海錯名酒見餉。且貽書曰。非先生不能有此行。藉草團坐。松聲沈澗。下皆權徑之窟。已而風止雲飛。月果煜。然各選石大叫痛飲罷。

又

次日上。鸞窠行。阡術間。久之得石罅。一泓蒼碧。可愛人。吸一甌。所過羣峯。皆綿亘。博大無累。冢斷地脉。無台園。踞石骨。相傳為王氣所鍾。至今尚似龍蔥不散也。鸞窠

特竹樹舊合窠之名甚肖。一名雲岫。故不如耳。徑頗陡。仄磴而入。亦不覺寺門對石帆山。稍遠則秦駐山。左瞰聖湖。右海清漪紫澗。中分翠嶼。了見毫末。是日正值觀潮。已刻報潮至矣。狂跳榛莽。各踞磐石。突兀海口。一望滔漫。過江諸山皆可掬。而獨不見所謂潮頭。但平中泛雪。漚沙岸如魚吐沫。時一啞喋而已。并不聞洶湃聲。子鼓意殊嘆。更跳近沙岸。亦竟浪紋稍戲。無可夸余輩者。而返。蓋上所視為漚沫濱海之人。即驚謂銀島瓊山。雷轟霧眩矣。搔首問天。烏得不又笑。余輩細同蟻蜂。其意各不甚愜。以酒澆之。下山憩石壁。更盡平疇遠瀨之勝。子鼓書游之姓氏。歲月于壁洞口。一石幕其上。垂雲欲墜。余題之。有歌云。亦存雲岫意也。四子舉子瞻廬山語。問余曰。而今不是夢。真個是鸞窠矣。

重五日記

今日在甘露寺北裝少憩自進蒲觴憶萬曆丙午之是
日余與友人嚴端伯何無生飲鷄籠山無生約以次早
同過後湖而舍中人突至但云遺才試期敦迫身疾馳
至陽羨則吾母以是日感疫十四日已不起矣終天罪
恨罄竹難書今日得徵恩典會逢時序追念音容益不
禁藪、淚下已酉紀哀曾有祇今淒新秣陵烟之句而
全首已忘遂用補之云舊句傷心丙午年祇今淒新秣
陵烟官游馬跡仍斯地帝賚鸞章遠自天蒿艾空榮高

塚畔。楸蘭遙酹大江邊。即令華表真歸鶴。恐過瀧崗倍
黯然。嗚呼嘉靖倭寇吾家避寇于山家之莊氏而于日
忽失王母所在舉家惶遽大索之日暮始得團聚後吾
父每遇是日必慘焉不成歡一年佳節而生離死別兩
世抱此遺痛所謂見此茫茫不覺百端交集正余今日
情緒也亦使後之人知之焉時天啟二年之五日

九日紀游

寓嘉禾再秋矣尚欠真如一游九日始決意往從後院
折而入竹樹蒙籠薄日盪之隱映于船窓之簾鏤極有
幽致想見初夏新笋抽林嫩綠綠溪聽鶯最佳處也登
浮屠之七級平疇連塢蒼烟互織風獵獵牽人袂颯然
搖落之悲焉下禮長水師墓前銀杏合抱黃葉喜未
辭柯策作籟于窾中矯一孫枝旁見側出殆不盡之
燈乎舟中午炊罷撥柁逝三塢寺尋無疑上人看竹東
庵寒玉森立倚嘯其下久之昔吾懶庵竹其瘦秀宛類

此。而化為爨材者已十年。餘庵亦付阿咸。額坦。灌莽。都
非舊觀。就菴之徑。并逮松菊。笑上人。為摘圃。淪芥。淨室
殊可坐。窓前翠筠。艸駁。常如古玩。痕絕可憐。贈香椽一
大盃。伴予供。其手種者也。問黃葉庵。甚近。亟同之。訪秋
潭師。循桑畦。秣隴。而迤入扉。額有竹林高。寄四字。集米
元章筆也。粗具香燈。繩床。屋皆板。為之。而前後環以竹
陰。森不及東。庵瘦秀。更過之。庵雖傍村落。而地形稍高
下。又遠樹。虧蔽。若烟縵之特板。四時雜英。嶺紅。啼鳥間
多異聲。忘身此地之缺山也。師行解都。依精實。煦然

孔德之容。詩格道老。跌宕。而饒韻。字畫如之。斯庵之勝
亦足映發其興。寄耶。然乞詩字者。無慮。晷。全排扉。衡
者折。往。旬月一逃之乎。藜藿之野。甚類予冷壇之寄。
眉皴。文通。無地堪逃耳。吾是慧業。吾是名障。師送予至
及徑。偃亞藤而行。沙弥語予。師今日為公過。席溪矣。于
時。游目各舒。飲腸並渴。乃放舟三塔之灣。勝在殿出
樾杪。蒼阿。翔隄。夕陽翻壁。丹紺倍濃。幢峙如岸。迴帶
如泊。下塘叢薄。間睨之。竊謂。遠過南湖。差有虎丘。平楚
之意。月影窺簾。復携炙陳茵。踞殿廡之堦。左以候其升。

閣鈴聲甚肅冷。一道人擊柴口喃。露氣透襟而散。

改教始末

萬曆丁巳之九月十三日抵京。去正選期踰五月矣。時開化永豐二縣方缺。相知者力勸且作令。而余志堅不欲令。二十一日即疏。改教二十八日。命下矣。而吏垣無人。十二月終覆。又無選。即戊午二月二日。張蓬可進司。首揭余名。座右不三日而蓬可論去。已又久無冢宰。候至四月。李桂亭署銓。始謂選時揚州紹興寧國爭欲得。余復為有力者先之。嘉興以衝故人爭棄。余曰。天定之矣。公車時同行者初入舟。即夢余甲科也。而廣文及試。

篆之概三至

三甲里中人夢余為嘉興時嘉興縣亦方缺尚以令擬
余也而至是恰有廣文之缺非數耶六月冒暑抵任亦
謂秋闈分校或得一經而先是十日適闈闈欲得詩經
廣文至則已晚矣檄校錄遺坐校士館者月餘出而署
海寧篆簿領之債仍償四閱月無何又檄署相鄉余乃
以將行總一抵邑而返道尊趙太室老師喜余之返也
亟倡文會五月為始八邑生童卷月幾二千餘余累汗
一手評試卷一手答荐牘而戶外之子衿驛前之官舫
仍須應接一番入門常日晡矣腹尚枵也草草命酒飯

家人方納涼余獨移几庭中童子驅蚊余點筆手不停
點而吏已催卷及明矣如是者竟一年又邑中親友以
道尊去後之思繹絡于途亦來視余受諸生贄書畫
而外往往酒脯量收一二僅可佐親友餉常厨中滌器
纒畢而忽報客至矣又起治具家人且厭苦不勝笑謂
此道尊之中火驛也自是余騁一兩日輒白幾莖眼亦
遇晚輒不能辨細書已未九月冀得一轉脫此塵勞不
啻望歲矣而陸霽澤遠疏廣文一途明走捷徑太討便
宜自今通內外四載方許轉部雖范老師在部亦以功

令初中、直臣庚申六月、稍疏通、始得國學、余一意請南、又不獲請、而得北、蓋淹留嘉興者足兩年、所初意借此、親自課子、以其餘讀書賦詩、領南湖西湖之勝、而究竟、兒子有時終日不遑問一字、書空滿架、牙籤零落、六橋、兩春、不知花柳何樣也、至兩年來、弟子之游庠者、一自我先、一自我後、竟不相值、餐錢之外、裹糧亦從家中、姑無論矣、八月初一日、離嘉興時、國喪瀕仍、試事奔走、歲、逋剝啄、藹、里居、凡六月、而今上辛酉、又二月之十二、日、携家北上、行至涿州、聞遼瀋之報、舉家驚恐、去任、倉

皇冒險入都、以四月十一日抵任、長夏稍、定居、始知、有父子論文之樂、而李葵孺條陳銓政、復申前議、前此、國學、不過六七月、纒、遷去、忽有是疏、若又為我畸人、而發者、耽延至壬戌三月、余歎如此、濡滯又如此、亂離、不如終辦吏隱、遂決前年請南之意、當事為周夢洲尚、欲以禮兵相待、而倉卒無缺、遣缺工曹周愛日留以待、我二十五日、得旨、遂南還、總計通籍以來、蹉跎七載、同、譜之銓部者、臺省者、憲副者、學旅者、已滿當路、其一摩、出守者、更多、即與余同時改教袁小脩、南儀、兩載、徐明

衡且以司馬入銓而余至是始備員郎署可謂拙者之
效矣然兩番計典為令而赫々有聲尋挂吏議者同譜
中便多推折而余尚標散樗全耳目獻酬不離文事清
平之福受用已切况外吏辛勤三載終博恩綸國子例
不及考滿幸逢先帝登極贈吾父助教再以今工登極
加贈主政吾母安人而身與妻並霑天品儒臣遭際此
亦異數以陞授則遲以恩典則速天道固自平分自今
以往流行坎止益洎聽之但常作窮秀才時想常作林
下想此則步々自在此則余之真討便宜也天啟二年

三月初度之後二日記

祭王真常文

丁未重九之三日真常王子卒其友人魏浣初哭之
慟嗚呼子病余不知稱藥量水有媿苟劉之誼子殮
余不及視素車白馬何云張元之誠幽冥之中負子
非一笑越秋末可能為文以寫其哀曰

真常真常而止斯耶子之年少欽崎磊砢登山每慟行
野獨歌或窺宋壻或眠阮壚知與不知呼為酒徒自余
識子一病夫身飲不容合游不能咫尺意氣擬託時復起
舞尚餘雙眸橫睨僮父嗟乎昔有真長今有真常風流

不墜正在王郎病鶴哀驥是子之身幽蘭孤松是子之神誰謂斯人曾不四十千秋黯、一棺長哉哀哉哀哉先壠草青高堂髮白少婦未止血胤中絕何時于人何辜于天何奪之酷此恨纏綿念子殘馥檢子遺封開緘有涕接衽無從平生故人棄子不顧好我惟君又先朝露嗚呼去歲重九同飲此酒亦盈罇不見吾友嗚呼

祭惠菴吳翁文

維吾婦翁惠菴吳公以天啟元年七夕前一日卒。浣初聞訃於京邸。哀而有誌。其生平命兒子相歸告。几筵以果生前之諾。願未遑為文以祭也。越二年五月端陽之次日。浣初南還渡江。解裝甘露寺。賸有蒲觴。客窓獨引。愴焉於江干之舊跡。不覺失聲。落盞招魂。而酹之。曰丙辰秋仲。翁逆江許。纒落檣帆。忽傳笳鼓。辨我音聲。驚開笑輔。遽拭衣塵。慰言煦。翁貫大志。自茲一吐。爾後侵尋。困於二豎。從余薄宦。浪跡烟雨。雖何以贈我酒。維醪。

翁。顏。常。醜。而。神。實。苦。余。即。私。憂。恐。壽。可。數。客。夏。我。行。將。
子。挈。妻。卵。翼。啾。有。如。魯。鷄。予。口。已。瘖。矧。哺。他。栖。舍。翁。
而。北。飢。則。誰。啼。翁。固。不。言。中。心。孔。淒。見。翁。憊。甚。蚤。別。梁。
谿。孤。舟。軋。暮。色。離。迷。尚。度。筋。骨。猶。堪。杖。藜。幽。明。永。路。
竟。此。分。携。嗚。呼。翁。病。亦。莫。之。識。死。其。死。矣。孰。視。易。筭。豈。
曰。無。子。而。不。汝。力。往。曾。疫。作。大。命。垂。棘。僅。余。夫。婦。竭。履。
不。恤。翁。氣。吸。呼。晝。夜。墨。聞。余。在。旁。瞪。而。還。息。告。余。人。
心。譬。燭。之。直。四。大。將。離。其。光。愈。迫。短。不。及。寸。即。當。滅。矣。
語。最。了。我。能。記。憶。翁。今。此。去。光。景。何。得。嗚。呼。翁。於。世。

法。由。來。洒。然。亦。曾。病。中。自。道。生。平。窮。不。解。愁。死。復。何。辜。
所。難。割。者。春。三。月。天。花。明。柳。暗。水。秀。山。妍。而。為。鬼。物。悶。
閱。黃。泉。如。其。有。知。是。之。悵。焉。具。斯。曠。懷。今。乃。歸。全。余。胡。
不。違。伊。喔。相。憐。惟。女。我。不。我。云。貧。諸。倩。之。列。以。我。為。
人。不。以。甥。畜。遇。之。若。賓。我。入。其。門。小。摘。必。親。酒。必。清。聖。
勸。以。盈。尊。濁。醪。自。引。襍。坐。無。倫。曾。是。恩。誼。而。負。逝。者。今。
遣。婦。子。歸。哭。于。舍。先。慰。尔。靈。妥。諸。牖。下。迨。余。冬。隙。庸。言。
乞。假。爰。啟。窀。穸。多。植。松。檟。且。表。之。阡。曰。酒。人。也。嗚。呼。莽。
臨。江。遙。奠。萐。翁。能。飲。乎。淚。同。江。瀉。尚。饗。

擬祭援遼陣亡西川將士文

逆酋匪茹。墮我三城。咨尔川卒。尺一是徵。嶮、蜀道天
路。登、决絕鄉井。以矢啟行。豈無六親。甘此七尺。亦曰
鯨鯢。造就斧頭。鏡歌殷地。大旗挿霄。歸獻藁街。渴飲香
醪。云胡驕子。去來飄風。溪入吾園。突越河東。尔其奮臂。
駢將齊呼。長鉤短戟。梁者前驅。駭、馬足觸之。瀟倒噤
不聞聲。刈人如草。我軍斯赫。壁壘維揚。郾城之捷。借一
相當。欵忽雲霾。狼烟四起。力盡弩竭。兔銷骨靡。嗚呼。誰
盛尔骨首。蒼青、誰攝尔魂。燐火熒、尔有父母。誰祀

誰主。尔有妻。子誰言。誰撫夜長。秋塞夢短。春閨誰歌。楚
夢清。酒荒。蹊蒼。月冷。颯。風高。招尔同命。或嘯。或號。
嗚呼。視此。觸骸。孰匪良民。何辜何罪。傷者。遺塵。怒。毫有
氣。尚其式之。矧伊國殤。能勿傷悲。是用黃腸。掩尔殘骼。
仍卹尔家。救寡存弱。以明朝廷。恩不尔薄。布告生者。脩
矛。偕作。

三塔寺重修東禪堂募緣緣起

由龍淵之山。門逶迤而東。竹樹蒼涼。翳一小蘭若焉。故
曾敷單。憇四方之赤髡。白足者也。歲久圯蕪。三十二相
且剝。仆于風雨。苔蘚間。八萬四千之獅座。何處着落。與
疑上人。精心貫石。淨竹吞冰。拾薪而支一木。搗塵而覆
簣土。工無貸力之寸丁。食有舉火之十指。蒲團木榻。具
體暮朝之儀。寶珞珠纓。儼成水月之觀。余每過。歎其勇
猛。未嘗不慰勞其力之捐也。而上人且謂吾身不足
惜。今粗安耳。旅而擔簦。舊經此者。使之望崖息岫。吾何

以煖吾席。將有事于斯堂。願以謀于余。笑曰。舍已耘
人。我則不暇。此中文士。重所負笈。過而問焉者。頗不乏
也。意欲別有廣楹。以廬之。使之執經槐下。且日月至焉
以課之。少助其餼。幸而力不從心。自拓兩椽。僅供兒輩
誦哦。坡老画。又日掛其半。尚不給於糲餐。常用內愧。豈
腐儒願為。如冷蹄水。止足自潤。不能學鉢龍之噓。膚寸
千里。欬世界文。六之身。輝于金碧。數仞之墻。夷于草莽。
香積之施。擲於滯穗。麥舟之助。慳于剖腹。破吝之金。篋
自在。汝邊勸施之木。鐸何煩我輩。

烏衣世表引

兩王子既討其先之芬。碩所闡。褒於當代。鉅人之筆者。
緝綴成。而以賅魏子。得論其世。烏起而嘆曰。森乎。琅
乎。真箬裾之華。胄瑜琰之麗。章也。哉。雖然。苑枯之際。
其亦可咨嗟。而撫然已。王之先。故莫昌大於瑯邪諸公。
過江而後。悍恣淫汰。忒度愆紀。遂以殘破宗風。烟沈蕪
沒。蓋嘗從榜人。指點詢大江以北。所謂烏衣鎮者。則皆
平沙遠疇。夕陽之外。時有墟舍。而飛燕徘徊。無復營壘
之幕。笑立馬。悲傷久之。今誌傳所載。不意烏衣盛事。復

見於斯噫。一時棣萼敷郁。綵僊三槐之榮。驄騎參差。不
羨五馬之耀。其餘子弟。封^胡過末。未足夸多。率崇尚風華。
緣飾文雅。摩娑彛鼎。則金埒相豪。沈冥杯勺。則糟丘狎
霸。可不謂紫綬成帷。朱提如礫乎。曾幾棄耳。子衿不替。
甲第猶仍。而當年富貴客之什一。亦復罕有存者。僅乞
靈字。哀賸脂殘焰。庶想像於楮墨間也。君之厥後。能無
惻恨。兩王子環姿孤映。瑤彩雙流。必能鵲奮蟬聯。而芳
冶身青箱之業者。魏子之先人。與其卓齋公同學也。又
兩王子善魏子之兄弟。故為邁征之言。以勗之。若夫重
陳家乘美其閥閱。則里閭父老。皆是豔譚。其又何取而
鋪說焉。

陳生稿引

今文人行徑。率有兩習氣。一託之乎遠游。命千里之駕。裹三日之糧。東尋某名公。西尋某名士。如行脚之叅訪。然一託之乎掩關。借一丘之娛消六時之飯。今日南山之南。明日北山之北。如坐單之休。夏然而其實無關。實詣則梗萍空汎。終走迷津。未斬名心。則團蕉坐馳。反埋捷徑。當湖陳生。頗厭螳螂。不逐海邊之臭。還探象罔。惟求衣裏之珠。近鼓莊盆。幾類妻梅子鶴。更彈牙搯。欲令谷響流絃。乃入靈峯。別眺奧室。池留洗鉢。時擊鉢以成。

章堂。舞。眠。雲。每。處。雲。而。似。管。味。多。幽。音。義。必。真。詮。偶。一
出。山。過。予。問。字。聊。因。涉。筆。稍。綴。并。言。明。非。悅。餌。之。陽。驕。
自。是。出。塵。之。秋。隼。

嚴學父小引

王謝家兒。秃袖短衫。效冶遊輕薄之態。弥見風華。寒暖
子弟。雖復鶴氅綸巾。作吳語。而父弱羞澁。正得各半。何
者。雅俗入骨。本色故難掩也。學父翩翩。鳳毛幼。即清惠
可喜。終從余演帖括。與之談。輒解落句。輒多穎髮。未燥
而蚤隸諸生間。恂退若處子。終日閱史鈔書。其文如秋
潭之澄。青碧寫鏡。復如春園之麗。紅紫綴綵。而大要依
之於雅。無腥葷酸餽之氣。因舉袁粲詩云。老夫亦何辜。
之子照清襟。倘謂余言私也。請往而問。價於國門。

題項君花鳥小冊子

項君少育烏衣之第。長懷白苧之鄉。家有賜書。鄴架牙
籤。揮漢門無殘客。謝庭玉蕊。染臨風爰以端居。多暇佇覽
中區。慧性冥詮。妍心妙聘。掩十行而過目。按七步而應
聲。淹緯九流。輯綜六藝。間取丹鉛之遺。瀋間披絹素之
短。方慘淡經營。礪礪飛動。能使連枝落後。粧成隋苑之
春。百舌緘時。喚起漢宮之夢。當其柯勢牙張。草痕髮櫛。
蹇翎夭矯。倦翻襪襪。雜之熙筌之間。幾欲亂真。豈惟逼
似。至乃流連月露。跌宕烟雲。降體香奩。填詞小令。梧桐

疎。兩。孟。夫。子。之。冲。襟。揚。柳。曉。風。柳。七。郎。之。逸。致。駸。登。作
者。之。堂。闖。入。騷。人。之。席。矣。或。謂。雕。虫。技。小。志。士。悔。其。童
心。亡。羊。害。均。達。人。笑。其。歧。路。如。斯。巧。秘。差。醫。博。奕。之。為。
將。無。巧。繳。之。想。夫。留。意。于。物。誠。可。溺。心。縱。臂。自。天。何。妨
涉。趣。摩。詰。走。入。酣。甕。元。章。叫。墮。水。船。俱。以。画。師。玄。通。辭
客。未。嘗。不。裁。詔。鳳。池。之。頭。侍。書。龍。圖。之。閣。項。君。綺。紵。自
富。若。木。方。華。大。構。雲。仍。梓。村。待。斲。悠。然。獨。超。於。物。表。偶
尔。容。娛。于。斯。文。亦。曰。興。會。之。標。舉。詎。云。居。諸。之。荒。曠。武

題李仲章蒼筤館制義

吏。隱。白。門。四。方。能。文。之。士。至。於。斯。也。吾。未。嘗。不。得。見。也。
一。日。戶。外。屨。二。舉。止。殊。不。襟。裾。吾。辟。席。反。走。焉。則。鍾。陵
之。李。仲。章。迫。與。語。吾。舌。橋。而。不。能。下。出。其。父。卒。業。焉。吾
視。為。眩。坐。為。躍。起。魂。為。惘。恍。而。若。有。止。者。累。日。嘻。渾。一
者。吾。知。其。為。神。汪。一。者。吾。知。其。為。氣。磊。一。者。吾。知。其。為
骨。閃。一。晶。一。者。吾。知。其。為。采。冷。一。飄。一。者。吾。知。其。為。韻。
至。于。仲。章。無。不。攝。焉。無。不。浮。動。焉。又。無。可。端。倪。而。出。入
變。化。焉。技。至。此。耶。其。文。中。之。龍。耶。豈。吾。平。昔。之。所。閱。者。

皆葉公之好也。夫而忽從雲霧滅沒間攫其爪掉其尾
游戲其頷下之珠以相怖耶。倏而來子忽而逝覺白門
紫氣隨三尺短劍所之泊乎鍾陵之陽氤氳良久空中
招手見呼曰更三年後子問黃金臺下有風鬣霜蹄排
玉堂而直上騰驥天閑者此吾種也吾異而紀其遇於
文之首。

自課襟題

邴根矩過書舍而泣曰凡得學者有親也。一則願其不
孤。一則羨其得學。僕塊土餘息生趣盡矣。四顧凡案每
自說恨頭顱如許。而何以報二人。便欲焚研家筆。裂故
紙而謝去之。會破山之盟。諸子為政。亦來告我。相邀入
社。不欲為異。報復逐隊行間。入春三閱月。終日仰看屋
梁。迴九折之腸。而始成隻字。聊以代虫吟鼠泣而已。不
知其為工。不自知其為拙也。

自春徂夏。魂魄稍收。結習未忘。友人間徵副墨。出一二

眎之賞譽譏哂正得各半都笑而不問嗟乎僕脩寂寞
之指十五年矣何至今日丐人索解雖使知我好我曷
以丹青之價一旦洛陽之紙無旌而走回顧措大本色
落褻自如猶無與耳陶隱居言仙障有九名居其一乃
知齒舌得利亦是文人一障僕終不能作噉名客也仍
命小史投之帳中

秋來友生星散仲雪故自若間有撰思矜慎不傳自課
而已語亦蕭颯如秋欲效全子棲故事使尔三焚嗚呼
一榻一燈之外正賴此語代其嘯歌即無用敝帚享之

而遺簪棄之矣

丙午南都之後撮勝標鮮專以字句尖鏗為工僕謝不
敏社中諸子醜其倚門而挑剔樹旗鼓更以才魄沉鷲
為工僕亦謝不敏不龜手之藥或以封我寧我周旋耳
追走逐飛未敢聞命會歲晏索居風簾雪几語不能多
作必仲雪語

題十八房撮

類
又如花爾。春叢不啻艷於秋柯。晨芳不借綵於夕秀。又取其落英之委泥沙者。而餐焉。不已癖乎。曰撮也。愛花者。見一花始開。初日耀鮮。清露流葩之際。歛之非翼。俛之非類。舉之非腕。治心淫。欲狂者。撮花之標韻也。雖復萎絕。常作柔條。想安在餘芬。賸馥不生。態嫣然哉。嗟時行卷間。有迴環把玩。珍之為珠。為玉者。比覆一過。正尔咀蠟。都無回味矣。而一二高材健兒。深情韻士。其所結撰。至今已陳之牘。翻似初落于紙。雲烟霏也。生態

在也。因領其異者。差得百篇。一取鋒。一必峭。必道短兵。上長戈。大戟。次之一取姿。一必媚。必逸。淡墨工。重粉濃。朱次之。非云。巧人牙慧。要以逗我心靈。又人之心。絲來轉換。雖使馬去。諸君子。重複登場。定不日。一歌渭城曲。笑。坡仙目牡丹。極麗窮妖。務為新奇。以追逐時好。謂是草木之巧。倭者。此亦天公幻出。闔世間刻楮之工。身然則天公固巧。佞之尤矣。而何怪乎草木。而又何怪乎文人。余嘗言。人品若置之花品中。寧為薜華。勿為蘭。一入幽人之襟。薜華悅時女之目也。

題門人課

序課餘竣。而蕭園社中請曰。二三子之業。具在。先生能弁一言。載而行之乎。余睨曰。君輩將挾此作噉名嚙矢耶。生平自揣薄技。鈍不近名。故凡有結撰。或畀炎火。或緘麓筭。惟恐人知。身為老婦。猶鄣面自羞。而欲韶年。墜秀捲簾。通願非所敢聞。曰。殆非也。自先生之來。此也。空山流水之間。若有人子。猶記春日清美。偕與敷坐。草石商略。父事。忽松風韻之。先生笑謂。此乃自寫父心。甚至寒朝雨晝。研冰欲裂。童子煮茶。都欲僵。而二三子籠手。

夏
據。素。思。路。挾。風。雪。俱。壯。先。生。又。顧。謂。此。味。殊。辣。一。時。昭
言。之。雅。其。樂。云。何。而。今。將。捨。我。而。出。矣。蘿。桂。猿。鶴。尚。尔
依。况。在。吾。黨。其。能。已。度。衰。茲。素。業。於。以。見。二。三。子
苦。心。在。斯。精。血。難。忘。自。不。退。轉。又。使。牛。耳。之。盟。有。如。此
梓。父。情。交。道。永。叶。蘭。心。雖。先。生。終。日。提。唱。宛。如。侍。烏。余
亦。愀。然。有。感。喟。然。起。曰。若。尔。其。抑。可。哉。願。諸。君。子。之。勿
謾。

邵武守嚴天池墓誌銘

是。惟。錦。峯。之。區。宸。穹。窿。而。襟。太。湖。有。峯。巖。如。為。天。池。嚴。公。藏。舟。之
墟。或。曰。公。故。有。明。宰。相。文。靖。公。子。師。鄴。侯。垣。屋。之。儉。而。傲。萬。石。君
里。閭。之。趨。或。曰。公。亦。曾。為。邵。武。守。覓。稚。川。勺。漏。之。砂。而。跨。步。兵。東
平。之。驢。曰。皆。非。與。嚴。蓋。莊。姓。一。幻。漆。園。再。幻。桐。廬。三。幻。為。公。空。玄
而。儒。

高林菴記

邑之破山得名於海內也以唐常建之詩顯其云曲徑通幽處禪
房花木深則當時氣槩逶迤鬱蔥宜有什倍於今者而即今經行
寺路驀直脩遠左右老藤茂樹之蒙幕引人徐步愈入愈遠深之
一字致可想見疑路旁阡陌非寺之遺趾即其別院後人犁為田
而不可問耳高林菴遠在路旁亦取詩中初日照高林之句去寺
僅一牛鳴而田高僧之墓松楸在望然則菴雖編小願亦寺之附
庸而墓之外護也而有僧法雨薙徑開荒拈据盡手足之力而吾
友何無生常偕余階白業其中又為之置田一區四五僧卒歲饌

粥可以不外求而取給焉晨鐘夜磬與寺中之六時相應和蓋粗
成練若之觀矣法雨化去無生亦奄有故人余正難其繼者見蜀
僧惟良行淨兩巖才通而慧迎而主斯終日梵誦之暇親課農事
耕耔以時獲則自食其力且以其餘芟壑隙地種蔬植果藩以槿
援漸有次第望之白雲屯靄綠疇映帶更益舊觀而會頃者有司
奉明旨所在刹宇嚴稽私創遂有挾擾桑門爰乎覆巢之虞上
人曰吾僧家隨地一宿此亦寄也何戀為第如居士買田設供一
片苦心何余謂無庸過慮斯地不招行脚不畜徒衆不弓檀施不
侵民田不近婦女教剝之聲不納遊人腥酒之氣我輩至則上人
主而余客過虎溪指青山則我輩主而上人客初無所隸於官也
但使皈依不懈香火之緣不斷高林之名雖與破山並傳可矣
崇禎壬申孟夏誰垢居士魏浣初題石
巖炳書

高林菴詩

蒙龍園小鳩不辨有禪關樵指青松畔僧迎白板間木魚清谷籟
金像點塵顏坐愛西窓翠斜陽補破山

